



113606

Mag. St. Dr.


jeuavergensis


*Scholae Goldbergensis denue
apestae fama publica.*

Pædag. 473.



30. IV. 187.





SCHOLÆ
GOLDBER-
GENSIS
DENUO APERTÆ
Fama publica.



Typis divulgata LIGIIS
NICOLAI SARTORI.

JEHOVÆ.
OPTIMO. MAXIMO.
SCHOLARCHÆ.
ET.
SOSPITATORI.
ÆTERNOS.

AURIMONTANA.
ILLUSTRIS.
SILESIAE SCHOLARUM.
ANTIQUISSIMA.
CUM. HOSPITA. URBE. INGENTIUM.
CALAMITATUM. PERIODIS.
DEFUNGENS.
ET SUBINDE. CON-
VALESCENS.

113606



I

TAN

665.
TANDEM. FATALI. RERUM. DEPOPU-
LATRICE. FLAMMA. DESOLATA.
ET IN CINERES.

NON. SINE. ULTIMA. UTRIUSQ. REI-
PUBLICÆ. CLADE. ET LACRU-
MIS. VERSA. ANTEHAC.

NUNC. DIVINO. AUSPICIO. DUCTU.
ILLUSTRISS. PRINCIPIS. AC.
DOMINI. DOMINI.

GEORGI RUDOLPHI

SILESIAE. LIGNICENSIS. BRIG. ET
GOLDBERGENSIS. DUCIS.

PROPTI. MUSARUM.
PATRONI.

AB. INTERITU. VINDICATUR.

E. CINERE. EXCITATUR.

IN. PRISTINÆ. DIGNITATIS.
SPEM. ERIGITUR.

A 2

Cujus

Cujus. Meriti. Memoria.
Ut. apud. mortaleis. immortalis.
exstaret.
Quicquid. natali. Scholæ. altero.
solemnitatis. e. principali.
auctoritate. et. præsen-
tia. intervenit.
una. cum. scholasticæ. politiæ.
recensione.
velut. rei. bene. gestæ. tabula.
in. famæ. templo.
ob. musas. receptas. servatasq.
litteras.
monumentum. perpetuum.
pp. et. dd.
Æternitati.

Serenissimi. Principis. Nutu.
Rector. et. Collegæ.
dd.

Ad

Ad tuos verò hæc fieri pedes decet,

PRINCEPS SERENIS INSTAURA-
TOR SCHOLÆ FELICIS.
PATRONE CELSIS.

Hæc enim tua est *Alumna,*
quæ postliminio restitutam do-
tas, Schola: nos apud istam tui
Servi, aut verius instrumenta
Delphica, ad usum, quem voles, parati.
Ignosce autem, quòd seriusculè votum solvi-
mus. Duo sunt ad constituendum πολιτεία * civile
necessaria: Civium chaos, ut sic dicamus;
& Jura, quibus tam Forma Civitatis in-
ducitur; quàm Salus publica Universis con-
ciliatur. Dudum autem est, ex quo co-
gitavimus de mediis, quibus Respublica hæc
literaria reefflorescere posset: nec fortasse fu-
giunt, quæ ad eam rem, judicio Bonorum-
Doctorum factura. Uti nihilominus nos
nostris Legibus, & Oeconomiam Civitatis
absolvere, ἐξουσία * & infrequentia civium * Solitu-
do.

hactenus, nescimus quomodo prohibuit. Nunc postquam Civitas à Juventute nobili frequentari cœpit: multisq; præclaris viris loci hujus Genialis commoditas persuadet, ut filios suos ad eos ablegent fontes, è quibus ipsi olim τὸ τῆς Κοφίας πᾶν, * divinæ humanæq; Sapientiæ liquores hausserunt: nos operæ precium fieri opinati; si apertæ Scholæ fama vulgaretur: collegimus Orationes inaugurales: Diatam literariam, qualis abhinc futura est, recensuimus: totiq; negotio in publicum ituro Principale tuum nomen præscripsimus. Invideri initiis magnorum operum multa solent: quæ tamen, si contra audentius eatur, facile exolescunt. Imò Natura hanc legem posuisse videtur: ut principiis negotiorum quædam difficultas adnascatur. quæ laborantis ingenium, successu aliàs prospero facile luxuriaturum, & fortassis haud sine damno deviaturū, lentâ quadam intemperie temperet, futuræq; fortunæ par

G. ido-

* Sapien-
tiæ uni-
versum.

*Et idoneum reddat. Ea verò genuina Vir-
tutis indoles:*

*Duris ut Ilex tonsa bipennibus
Per damna, per cades, ab ipso
Ducit opes animumq; ferro.*

Hor. l. 4.

O. 4.

*Experti nos sub initium novi operis nonnul-
la: quæ tamen divinâ clementiâ maturè in
melius versa.*

Princeps Deusq;

Miti Gymnasium lumine viderint:

de cætero nos securos tutosq; innocens *πρὸς καλὴν*
τέχνης * *præstabit. Eâ olim nemo Mortalium*
fuisse inhumanitate perhibetur, ut Ilio ter
diruto insultaret: nec nos speramus fore, qui
Aurimontio post tot ruinas convalescenti ma-
lè cupiat * *ᾠδὴ δειγµα τῶν ἀνελήπτων (verba Aristi-*
dis de Smyrnâ instaurata huc transferimus)

τὰ τῆς πόλεως γέρονε πρᾶγμα, ὡς ἔτ' ἐξ ἐχθρῶν θύσσιν ἔδδεν
ἀπώμοσθιν, ἔτε λυθείσης τῆς νεώς, ἀνέλπτου τὸ μὴ ἔκρεϊτόν τι
συμβῆσθαι. In Thessaliâ cum retorti maris im-

petu Peneus amenissimus fluviorum hiatum
pateretur: omne illud damnum, quicquid in
fluminis amenitate desideratum, novo adja-
centis

* obsti-
nata per-
severen-
tia.

* Exem-
plar in-
sperato-
rum Ur-
bis status
fuit: uti
secundis
ventis a-
liquid se-
cus futu-
rum non
ejurandū,
ita nec so-
lutâ nave
insperato
quid me-
lius even-
turum,
desperan-
dum.

centis Vallis, quam Tempe vocarunt, orna-
mento repensum est. In similem venire for-
tunam Aurimontium nostrum auguramur:
cum in ea inciderit tempora, quibus rerum
potiris, Serenissime Princeps. Tu enim non
modo sanctissimis tue prosapie Regiæ Hero-
ibus omnia comparandus; sed hoc excellere
videris: quod exemplum Serenissimi Fra-
tris, Domini Johannis Christiani Silesiæ
Ducis & Præsidis, Patriæ Patris, Musæ-
rum Evergetæ inclutissimi, Illustris Bregæi
Gymnasii Instauratoris magnificentissimi
secutus, veteri illâ Aurimontanâ effingere
meliolem noris.

Vale feliciter & regna Principum
decus, nostra tutela.

III. Celsitud. tuæ
devotiss.

Rector, Prorector & Præceptores
Gymnasii Aurimontani.

M. SIM-

M. SIMONIS GRUNÆI

SUPERINTENDENTIS

Oratio.



I quis unquam dies, Auditores omnium Ordinum, demissè suspiciendi, reverenter honorandi, officiosè colendi, Aurimontio huic nostro vel faustus illuxit, vel exoptatus; Hodiernus profectò longè videri debet illuxisse faustissim⁹ exoptatissim⁹q;: Qvippe qvo illustrissimi Principis ac D. D. GEORGII RODULPHI, Ducis Silesiæ Lignic. Bregens. & Goldbergensis, Principis ac Domini mei clementissimi, ad omnem posteritatem memorabili instituto atqve autoritate, id agitur unicè ac impensè, ut hujusce illustris Scholæ, fâto qvodam suo, temporum an hominum injuriâ aut culpâ antehac functæ, si non facies ipsa denuò sistatur, at umbra saltem aliquva representetur: imò ut, qvod ab optimis qvibusq; desiderari credibile est, non ad umbram duntaxat qualemcunqve ostendendam, sed ad ipsissimam, si per Dei gratiam fieri qveat, faciem suo tempore redhibendam via muniatur.

B

Latum

Latum haud dubiè opus hoc! Quod non omnes tantùm hujus opidi cives; sed & universi Ducatus incolæ, favore adplausuqve meritò comprobent, votisqve & gratulationibus publicè privatimqve prolequantur. Atqvi non minùs arduum ac difficile! Etenim non tam instaurandæ, quàm de novo aperiendæ Scholæ incumbendum est. Quæ res quanti sit momenti, & quàm eventus ambigui, in istâ præsertim Scholarum hinc inde frequentia, seculiqve nostri fastidio, cordati-ores qviqve copiam satis uberem habent existimandi.

Verum enim verò benè habet. Bonum curatur publicum. Dei spectatur gloria. Hinc vota populi publica prolixè nobis citra omnem dubitationis aleam polliceri ausimus. Hinc successus a Deo exoptatos spe præcipere prorsus bonâ ne utiquam verecundamur. Ac ne vel nobis ipsis vel officio saltem nostro defuisse videamur, ad te hinc o æterne ac benignissime Deus, o pater luminum, a quo omnis donatio bona & omne donum perfectum desuper, animis lingvisqve nostris certatim conversi, tuam Majestatem, tuam benignitatem supplices veneramus:

Respice

*Respice nos propius, clemensque his annue captis;
Da tibi abhinc surgat laus, patriaque salus.*

*Omen in eventu est: presentia numina firmant.
Annuit his Princeps; annuet ipse Deus.*

Ceterum postquam ejusdem Celsissimi Principis mei jussu ac mandato, in splendidissimo hoc Theatro ad dicendum præ reliquis ego surrexi; faciendum mihi ante omnia intelligo, ut cognoscatis, Auditores, quid de me vobis peculiariter sit expectandum.

Ac primum quidem lætarer ex animo, hunc mihi perorandi campum aperiri, & hanc dari occasionem, singulare meum ac perpetuum erga illustrem hanc Chrysostron studium prolixè ostendendi, nisi tenuitatis meæ mihi conscius, coram politissimarum aurium vestrarum judicio, me vix parem isti provinciæ futurum, neque satis pro meo ipsius affectu dicturum, subvererer.

Nec defutura erant plurima, quæ a loco & tempore forsan isthoc non alienas; nisi & loci & temporis, hoc est, ipsius illustrissimi, magnificentissimi, amplissimique Confessus habenda ratio, modum orationi quoque statuendum svaderet ac persvaderet.

Quamquam igitur eximium aliquod differen-
di argumentum, undecumque erutum aut deprom-
tum, eligere pertractandoque evolvere, ipsa etiam
hujusmodi Scholasticarum consuetudo panegy-
rium propemodum deposcebat; Non est tamen,
Auditores benevolentissimi, quod tale quid hic
quidem de me vobis polliceamini: In rem prae-
sentem deducendi estis. Ac materiam dicendi non
nisi ipse Actus mihi hodiernus suppeditabit.

Quia enim penitus collapsa est haecenns Scho-
la haec nostra; Quia hodie instauranda est denuo;
agnoscitis ipsimet opinor; de Ruinae pariter, deque
Instaurationis susceptae causis ac modo sermonem
merito instituendum; Ac porro, quod huiusce diei
proprium quasi futurum est, Novi RECTORIS &
Novi PRORECTORIS inaugurationem legitime per-
ragendam.

De illo mihi verba, quam fieri poterit, paucis-
simis facturo; hoc vero illustrem juxta instructio-
nem publice acturo, ut gratiosa aequanimitatis
vestrae auram adspiretis, omni quae par est subjectione,
observantia, studio a vobis etiam atque etiam
contendo.

Principio autem, quod non sine affectu, scio,
nec sine commiseratione cogitastis antehac; id
nunc haud dubie non sine gemitu intuemini, quot-

qvot vel invitati singulariter, vel ultrò Scholasticæ
huic solemnitati vacare non estis dedignati. Ipsi-
met, inquam, Chrysorinæ nostræ

qvæ sit fortuna videtis.

In propatulo siquidem est, non tam maxima
discientium, parvulorum licet, paucitas, qvám o-
mnimoda propé Corporis Scholastici destructio
aut desolatio: Usqve adeó ut, qvot de miserabili
primariæ Urbis Palestinæ incineratione atqve ex-
cidio Propheta lamentatur: Qvomodó sedet so-
litaria Civitas, plena (qvondam) populo? Qvæsi
vidua; Domina (olim) gentium? Egressus est á fi-
liâ Zijon omnis decor ejus: Id de præsentè Auri-
montii statu non frustra debeamus usurpare. Cujus
profectó miseriam exactiús animo comprehende-
re non poterimus, qvám si priorum temporum
conditionem cum hisce nostris conferemus.

Qvemadmodum einm iis ex Dei populo om-
nium maximé non tristem tantumodó, sed & ab-
ominabilem fuisse consentaneum est adspectum
Hierosolymitanorum Cinerum; qvi in floridâ ad-
huc conditione Urbem amplissimam magnificen-
tissimâmqve unâ cum Templi structurâ incompa-
rabili priús viderant::

Ita istud Goldbergensis Scholæ fatum lugubre

nemo æstimaverit rectius, nisi qui superioris ævi
felicitatem memoriâ repetens, ante oculos sibi
hanc cum illo pariter contemplandam proposue-
rit, majestatemque Scholæ veterem, cum ejusdem
hactenus clade ac calamitate comparaverit.

Non est verò mihi operosè alleganda Gymna-
sii hujusce illustris antiquitas. Hac enim omnes o-
mninò Silesiæ, cujuscunq; nominis sive Scholas, si-
ve Gymnasia, longo post se intervallo relinqvens,
nostrâ omnium confessione antecedit. Nam sicuti
ipse locus hic jam tum ab ipsâ D. Hedwige, Prin-
cipum nostrorû Progenitrice, sanctissimâ fœminâ,
cultus divini exercitiis ab initio destinatus, istud-
que Religiosorum olim Contubernium anno C.
1212. exædificatum & Dominicanæ familiæ fra-
tribus consecratum est: Ita exordium Scholæ hu-
jus annum á Nato Christo attingit 1504. Aucto-
rémque secundum Deum, ac Magistratûs illu-
stris indulgentiam, profitetur V. Cl. Hieronymum
Wildenbergium Aurimontanum, quem adductâ
Scholasticorum annonæ ob caritatem Culmâ Bo-
russicâ migrare coactorum coloniâ non contem-
nendâ, prima ejus fundamenta feliciter scimus
posuisse. Domicilium verò isthoc spaciosissimum
commodissimúmque A. C. 1542. demum Fride-
rici

rici 2. Principis præstantissimi liberalitate eidem est
attributum. Istam, ajo, antiquitatis laudem mit-
to lubens, nec pluribus urgeo.

At frequentia prorsum inusitata, successus om-
ninò admirandi, celebritas planè singularis atten-
di hîc etiam atqve etiam merentur.

Fuit enim Trocedorfianis potissimùm tempo-
ribus confluxus ad hanc Scholam incredibilis, ho-
minum non tantùm vicinis Silesiæ, Lusatiae, verũ
etiam exteris & longè dissitis Poloniæ, Hungariæ,
Bohemiæ, Transsylvaniæ item, Carinthiæ, Mora-
viæ e regnis ac provinciis studiorum gratiã huc
commeantium. Nec dubitavit beatissimus ipse-
met Trocedorfius, in colloquiis familiaribus, quo-
ties in Scholæ mentionem incidisset, ad amicos sæ-
pissimè hoc uti sermone: Tantum se habuisse di-
scipulorum numerum in Scholâ suâ, ut si in unum
cogendi essent illi, justum ex iis exercitum contra
Turcam producere posset: Quod ex Cl. V. M.
Henrici Theodori Superintendentis quondam Li-
gnic. b. m. relatione commemorat in præfatione
Rosarii Trocedorfici vir itidem Clariss. L. Ludo-
vicus, Gorlic. Scholæ Rector, ὁ μακαρίτης, gratus
Trocedorfii usq; ad extremum vitæ halitum disci-
pulus. Et quanquam illa tantopere prædicata Tro-
cedor-

cedorfianæ Scholæ frequentia, ejus mortem secuto-
sæculo non usque adeò fuit copiosa aut inusitata:
Nunquam tamen ita est diminuta, quin mediocris
discentum cætus aliquis super fuerit: Imò priori-
bus maximè viri ab eruditione & pietate commen-
datissimi M. Taburni annis, quibus Scholasticæ na-
vis clavum ille tenuit, multitudo etiam non conte-
mnenda hîc locum sibi vendicavit.

Adhæc successus neutiquam defuit operæ, in
juventute bonis artibus, religiosâ pietate, probatis-
que moribus imbuendâ, collocatæ. Quia enim ani-
mo simplice studiôque indefesso officium fecisse
constat plerosq; veteris Scholæ præceptores, Tro-
cedorsium in primis ejusdemque Collegas; fructu
carere labor eorundem non potuit. Atque hinc
tot doctorum virorum examina in omnes ferè
orbis angulos diffusa; tot Theologi, tot Politici; tot
Scholarum administri; tot Ecclesiarum & Rerum-
publ. gubernatores; tot Cæsarum, Regum, Princi-
pum Consilarii; tot omnium Ordinum Proceres,
Trocedorsianâ in Scholâ instituti; & id quidem
paullò ante hæc tempora publicè passim professi:
ut haud sciam, num quæ schola unquam fuerit,
num quod Gymnasium ullibi adeò floruerit, quod
paris sibi felicitatis laudem potuerit arrogare.
Singularè

Singulare & rarum certè illud iterum hoc loco est, de quo beatum Trocedorsium gloriari non injuriâ solitum accepimus: Nullum esse vitæ genus, in quo non suorum quidam discipulorum cum dignitate vixissent. Et eó quidem res superioribus abhinc annis devenerunt, ut tum laudi sibi ac honori duxerint optimi & præstantissimi quique, si Trocedorsianæ sive Aurimontanæ hujus Scholæ discipulos se fuisse planum facere possent; tum quibus istud testimonii non comperet, ii minus vel in literis instituti, vel moribus exculti haberentur.

Quæ sanè non minima celebritatis pars est, quâ præ aliis per Germaniam multis, Schola hæc nostra jure gavisa est: Et unde per omnem ferè Europæum orbem jam diu post hominum memoriam inter maximè insignes Germaniæ Scholas meruit numerari. Aurimontium equidem ipsum nostro cum Lignicio in quamplurimis nullâ ratione quoad amplitudinem ac alia, quæ spectari hîc solent, posse conferri, est, opinor, extra controversiam: Atqui apud externos Goldbergæ nomen multò esse & notius & splendidius nostro, experientiâ edocti didicerunt, qui operam peregrinationibus aliquantò longinquioribus impenderunt.

pendunt. Idque non nisi Scholæ celebrioris beneficio ita evenisse unanimis & consentiens omnium inter nos, credo, est sententia.

Qvis veró est, qui secum ista reputans, non agnoscat pulcerrimam meliore illo potissimum ævo fuisse hujus Gymnasii faciem; Cujus & speciem subinde aliquam retinuit; usquedum paucis admodum abhinc annis penitus collapsum desinit esse, quod audiit; quod fuit: adeó ut ne umbra, quidem pristini vigoris remanserit.

Et quis hoc ipsum intuens ac considerans, cumque feliciore illo statu conferens, ex animo non ingemiscat? medicinam non exoptet? oblatam non cupidè amplectatur?

In memoriam hinc mihi revoco, quod ante hosce undetriginta annos, hoc ipso die ix. Calend. Sextil. hac ipsâ de Cathedrâ, aut si non de Cathedrâ, ipso saltem ex hoc loco, cum itidem, uti hoc die fieri videmus & lætamur, illustri suâ præsentia Rectoris Novi Inaugurationem gratiosè ornaret Celsiss. Princeps ac D.D. Fridericus 4. Lig. ac Brig. in Silesiâ Dux, beatæ recordationis; quod inquam tunc audiivi Virum Clarissimum Pancratium Crugerum oratione exquisitissimâ de Scholasticorum

hic

hic raritate conquarentem, interque alia Ma-
roxum illud usurpantem:

Apparent rari nantes in gurgite vasto.

Sed & istud indidem petitum:

Vacuâ dominamur in aulâ.

Neque tamen ea tunc erat solitudo, qualem
nos hactenus experimur. Quid dicturum puta-
mus, si superstes hanc cerneret calamitatem?
Quibus verbis eandem existimamus deploraturum?
Fuimus scilicet *Troës*; Et campos ubi *Troja* fuit
labore, utinam non frustraneo, suscipimus ina-
randos.

Sed quid causæ esse dicemus tantæ & tam
exitialis ruinæ? tanti & tam funesti interitus?

Non arbitror esse quenquam rerum vel divi-
narum vel humanarum adeo imperitum, ut non
utrobique mali hujusce sive fontem, sive fomitem,
si quærat, in venire possit.

Illuc (ad Deum) si respicimus, providenti-
am ipsius meritò agnoscimus, quâ liberé, at justé
atque inculpaté, vicissitudines rerum ordinat; me-
tas constituit: incrementa, decrementa dispensat:
omnia denique & singula digerit secundum suæ
beneplacitum voluntatis. Interim & justitiam
non rarò exercet adversus mundi ingratitude-

nem, populorum transgressiones, poenitere nescio-
rum impietatem. Peccatum peccavit Hierusa-
lem, propterea instabilis facta est; ait in Threnis
Hieremias Propheta. Istud agnoscimus, Christia-
ni qui sumus.

Huc verò (ad sublunaria ista) oculos si conver-
timus, non unius generis machinas reperiemus,
quibus ædificium hoc Scholasticum; non quod ex
lapidibus & lignis fabrefactum est, sed quod do-
centium ac discientium qualicunque constat fre-
quentiâ, concussum subrutumque deprehende-
mus. Nolo, neque opus est, in lucem adspectumque
proferre universas: E pluribus sanè, præter ea,
quæ circa rei Scholasticæ tum dissipationem,
tum restitutionem, consilio neutrobi satis felice
susceptam, ante annos non multos præcesserunt,
duas duntaxat adsignare libet, non ipsi tantum
Aurimontio, sed toti in super provinciæ notas: Ec-
quis enim est, qui nesciat horribilem opidi hujus
conflagrationem? Ecquis est qui nesciat miserabi-
lem pestilentiam, quæ illic secuta est, infectionem;
imò vastationem; imò perditionem? Gemina hæc
unius anni strages totum occupavit opidum: Et
cum opido Scholam simul occupavit, pessum de-
dit, evertit. Hoc cum ita sit; mirum profectò si
cui

cui mirum, unde ista, de quâ loquimur, calamitas. Nimirum idem feré hoc experta est casu Auri-
montana nostra, quod patrum ei memoriâ evenit;
cûm anno C. 1552. grassata est Fames: 1553. Pe-
stis: 1554. Incendium. Quibus consequenter sese
invicem excipientibus cladibus, eum in modum,
illa tunc fuit non debilitata, sed infracta, ut post
Ligniciensis exilii biennalis miserias ac molestias
non sine difficultate superatas, iterum quidem fu-
erit instaurata: *sed non ad faciem omninô instaurata
priorem.*

Jacuit ergo similiter hætenus Schola; & ja-
cuit; Sed non sine spe jacuit:

Quâ enim erga universam rem literariam affe-
ctione benignissimâ est Princeps noster illustrissi-
mus, omnem subinde movit lapidem, & ab ipso
gubernationis susceptæ primordio nihil Excelsi-
tate suâ magis dignum ratus est; nihil feré prius
potiusve in votis habuit, quâm illustrem Auri-
montanam, totius patriæ thesaurum atque orna-
mentum, pristino, quantum fieri posset, restitue-
re nitori.

Quo quidem in proposito & animari sese &
confirmari sensit Ejus Celsitudo non mediocriter,
consideratione tum exemplorum á majoribus
C 3 illustris.

illustris. relictorum, tum finis seu usus, propter
quem Scholarum Phrontisteria vel erigi, vel instaurari,
vel denique conservari. par sit.

De Judaici populi Regibus, de Caesaribus ac
Dynastis aliis nihil hîc attinet dicere; de quorum
iis, qui meliores, historiæ sacræ ac profanæ testan-
tur, quantum opere in illis, quæ ad cultum Dei, & ad
literarum studia quovis modo provehendum ali-
quid afferre soleant aut possint adjumenti, seriô
curandis fuerint occupati, & quantos ob id sum-
tus facere non dubitarint. Domestica in promptu
sunt documenta Progenitorû illustris. familiæ Li-
gio - Bregensis; propinquiora saltem ut attingan-
tur: Illustre Gymnasium Bregenense, quod ut pluri-
mum non sine flore aliquo ac vigore fuit, Celsitu-
dinis ipsius illustrissimus avus fundavit, Parens
conservavit, Frater locupletavit. Illustre hoc
Aurimontanum, sub ejusdem Celsitudinis Proavo
illustris. apertum & adsertum, successores Princi-
pes FRIDERICUS 3. continuavit; HENRICUS con-
firmavit; FRIDERICUS 4. propagavit; cûmqve
ruinam minitari velle videretur JOACHIMUS FR-
DERICUS instauravit.

Neque id sine ratione. Intellexerunt enim &
perviderunt Principes sapientissimi, quorsum Lu-
di litera-

di literarum faciant, & quantum momenti ad salutarem juventutis educationem atq; informationem in rectâ & prudenti eorum constitutione situm sit. Agnoverunt ipsissimas hîc esse officinas, in quibus ingenia exercentur, animi excoluntur; atq; ad omnium ordinum munia, ad dignitates in Ecclesiâ, ad functiones in Republ. ad operas in œconomiâ cum fruge obeundas ac sustinendas juvenus præparatur atq; præmunitur: In quibus inquam artes traduntur, lingvæ inculcantur, pietas plantatur, mores formantur: Quæ denique Deo gloriosa & grata, hominibus utilia ac necessaria, docentur ac discuntur.

Hinc ergo est, quod sæpiusculè jam præmemoratus Illustrissimus Princeps, Dominus noster elementissimus, non modò constitutum hæcenus habuit; quid de Aurimontanæ hujus suæ institutione vellet: Verùm etiam istud Celsitudinis suæ consilium hoc ipso die effectum dare decrevit; ejusque rei publico in hoc actu interpretem me clementer esse jussit.

Porro cum pro eo ac ab initio ostendebatur, non tam ab ægrotatione aut morbo illustri hæc Scholæ erigenda, quàm a morte ipsâ resuscitanda

quasi

quasi veniat: Cúmque discentium frequentia aliqua non tam præstó sit, quám expectetur:

Idcirco de Institutionis methodo, deq; Disciplinæ normâ, Illustrissimus noster ab iis, quibus negotii hoc datum est, scripto quidem, quid é re juventutis Scholasticæ fideliter salutariterq; instituendæ futurum esse in posterum judicetur, comprehendí curavit: Quo cautum habetur; quo pacto tum in Pietate, tum in Literis, tum deniq; in Moribus discentes sive nobiles, sive alii, sint informandi: Verum pro re natâ & pro captu eorum, quos Scholæ huic adjungere deinceps divinæ placuerit providentiæ, in eo mutandi, corrigendi, addendi, demendi potestatem integram Celsitudo ejus sibi voluit reservatam.

Isthoc tantum monere hoc loco operæ precium fuerit: Et isthoc ipsum fortasse satis fuerit: Pietatis doctrina secundum oracula & dicta Biblica, ex Libellis ante id temporis semper in hac Scholâ usitatis, proponetur. Institutio in Literis ratione, quantum poterit, omnium maximé methodicâ, perspicuâ, ac brevi peragetur. Disciplinæ severitas & rigor liberalitate ac mansuetudine temperabitur. Locumque adeò semper Trocedorsianâ in Cathedrâ habiturum est, illud frequenter á Trocedorsio,

cedorſio, ut fertur, uſurpatum : Præcepta debere
eſſe pauciſſima & breviffima : Exempli illuſtriſ-
ſima & utiliſſima : Exercitationem longiſſimam
& creberrimam.

Perſecutus ſum pauciſſimis, quæ dicenda ab
initio propoſui : Reſtat adhuc unicum; ſed quod
ſcopum actionis hodiernæ ipſum concernit.

Quia enim, uti Corpus ſine Capite; Eccleſia
ſine Doctore; Reſpublica ſine Gubernatore: Sic
Schola ſine Rectore ſalva non valet conſiſtere: At-
que ob id præcipua conſiliorum momenta de ſalu-
te rei Scholaſticæ procurandâ eò potiſſimùm fue-
runt dirigenda, ut ad iſthanc provinciam hocce
loci ſuſtinendam aliquis inveniri poſſet, qui ido-
neus: Præ aliis verò ab eruditione, à virtute, à
pietate, à prudentiâ, atque in doctrinis diſciplinis-
que tradendis dexteritate ac felicitate ſingulariter
commendari meruit Vir Clariff. Spectatiſſimûs-
que Dominus JONAS MELIDEUS Saganenſis Sileſi-
us, illuſtriſſimi antehac potentiſſimique ac litera-
tiſſimi ſimul Principis MAURITII Haſſiæ Landgra-
vii Scholæ illuſtris Aulicæ Præceptor; in illuſtri au-
tem Schönaichiano Bethaniæ Gymnaſio nuper poſt
quatuordecim annorum decurſum Academico in
ſtadio continuatû, Eloqvêtix ac Poëſeos Profeſſor:
D Proinde

Proinde non modò à requisitis necessariis prò-
bé instructum, eoque dignum illustrissimus PRIN-
CEPS noster censuit, cui arduum istud atq; amplif-
simum RECTORATUS axioma committatur: Ve-
rùm etiam illud ipsum, inter veniente legitimâ vo-
catione, non sine consilio eidem commisit atqve
demandavit.

Cùmque sit, quod dicitur, *μᾶς χεὶρς ἀδυνάμει*:
eâque propter de parastate fido illi adjungendo
consilium maturé fuerit capiendum: Et verò non
tam ab aliis prædicata, quàm rerum ipsarum ex
testimonio cognita ejusdem Celsitudini jam pri-
dem fuerit Cl. Dn. M. DANIELIS VECHNERI Au-
rimontani, tum virtus ac eruditio non vulgaris,
tum in docendo fides ac industria commendabilis:
Cujus rei documenta præbuerunt evidentissima,
& labores scholastici hoc ipso in Gymnasio illustri,
cujus Professore singulari cum laude antehac
egit, Jauranorùmque in Scholâ, cujus Rector ali-
quamdiu fuit celebratissimus, exantlati; & scri-
pta insuper publica, meliorum cordatiorùmque
calculis certatim comprobata atqve cõmendata:

Idcirco hunc ipsum quoque RECTORI recens
vocato & constituto, tanquam Collegam Primari-
um, adjungere, PRO-RECTORISQUE titulo gratio-
se orna-

se ornare Idem ILLUSTRISSIMUS noster voluit.

Et utrumque quidem istâ ipsâ in Panegyri hodiernâ publicè hic sistendi, ac in muneris suo cuiusque loco atque ordine assignari quasi possessionem collocandi provinciam mihi delegavit.

Ad vos igitur, Viri Charissimi nunc me ego converto; Et

(Quod felix ac faustum, Scholæque huic omnibus modis salutare esse jubeat

ALTISSIMUS:)

In nomine ipsius DEI, Patris, Filii & Spiritus S. ex mandato & auctoritate illustris. nostri

PRINCIPIS;

Te quidem Cl. domine MELIDEE illustris hujus SCHOLÆ GOLDBERGENSIS RECTOREM cum potestate plenariâ :

Te verò Cl. domine M. VECHNERE ejusdem SCHOLÆ PRO-RECTOREM & Collegam Primarium, pronuncio, declaro, proclamo: Vosque prout iis ipsis ab omnibus & singulis Scholasticæ jurisdictioni addictis agnosci, haberi, honorari, auctoritate, quâ dixi, jubeo.

Tuum erit, Excellentissime Domine Rector, Scholam hanc illustrem, ejusque tum Præceptores, tum discipulos, tuæ fidei habere commendatos:

D 2

Et

Et Collegas quidem amare, instruere, defendere, ubi opus est: Discipulos regere, docere, excolere, uti par est: Omnia denique cogitata, dicta, facta ad rei Scholasticæ dirigere ædificationem atque emolumentum: eo prorsus animo, eâque mente, quâ in magno demum illo die Censorio coram iustissimo omnium iudice desideras comparere.

Tuum verò, Cl. Dn. PRO-RECTOR, erit, conjunctis cum RECTORE consiliis ac operis, pari omnino fide, pari ingenuitate, pari industriâ quidquid ad Scholæ incrementum facere quovis modo videbitur, docendo, monendo, corripiendo, curare; & nominis mensuram tui facto ipso, quantum potest per Dei gratiam, implere.

Hoc est, quod à vobis postulat ac requirit, quod de vobis sibi pollicetur ac sperat, non tantum spectatis. hæc corona Magnificorum, Nobilissimorum, Clarissimorum hominum; & cum iis universus hic, quantillus est, cætus Scholasticus: Sed & omnes hujus opidi Cives; omnes hujus inclyti Ducatus incolæ; quorum in vos oculi & animi coniecti: imò Princeps ipsemet illustrissimus, à quo necessariam defensionem: imò ipsemet Rex Regum, Dominus Dominantium, à quo benignam pro laboribus compensationem, in omnem eventum habetis quod vobis despondeatis.

Quem-

Quemadmodum veró Collegas vestros & Discipulos, omnes ac singulos, vestro commendatos amori ac fidei esse volo: Ita ab ipsis vicissim omnem vobis deberi honorem, observantiam, obedientiã debet iisdem esse persvasissimum. Et spes bona est facturos utrosque, quod Collegas erga Superiores, Scholasticos erga Præceptores suos decet.

Itaque salus Scholæ publica constabit: ita singulorum undique commodis inservietur: ita favor & benevolentia aulæ Illustrissimæ; ita gratia, & benedictio. JEHOVÆ Altissimi subinde conciliabitur, fovebitur, tenebitur. Ita fiat: ita ex sinceris cordis mei affectu ego voveo, ita precor.

Et in hoc concludo ::

O vos omnes, qui Scholasticam hanc solennitatem Illustrissimâ Magnificentissimâque, spectatissimâ insuper studiosissimâque vestrâ præsentia confirmatum, adjutum, decoratum ivistis:

Benedicat vobis DOMINUS & custodiat vos:

Ostendat DOMINUS faciem suam vobis,

& misereatur vestri ::

Convertat DOMINUS vultum suum ad vos,

& det vobis pacem. Amen.

D. I. X. I.

D 3

J. ME.



I. MELIDEI
Illustris AURIMONTANÆ
RECTORIS
Oratio Inauguralis
De Rerum publ. Scholarumq;
Convenientiâ.

SERENIS. PRINCEPS,
DOMINE CLEMENTIS.

*Mag. Generosi, Nobiliss. Reverendi,
Consultiss. CL. Excellentiss.
& doctiss. V. V.*



*I me non nihil in vestibulo O-
rationis harere; si fluctuare pa-
rumper contigerit: non leves aut
absurdas rationes subesse, faci-
le subolfaciet is, qui presenti-
um rerum momenta aliquatenus excusserit.*

Sive

Siv
De
ver
voci
vire
splen
nig
abu
var
ling
Mu
igno
mul
obeu
nio i
capa
Jus
mer
terio
tô co
tute

quâ

Sive enim ad Provinciae amplitudinem, quae
 Deo sic gubernante, Principali auspicio, tuâ
 verò, Reverende D. Superintendens, vicariâ
 voce modò demandata est, oculos intendo: sive
 circularum mearum numerum expendo: sive
 splendidissimam hanc concionem intueor: sive de-
 niq; Illustris hujus Gymnasii fatum considero:
 abunde ubiq; occurrit, quod animum lentè ac
 variè occupet, nec uni affectui mancipatum re-
 linquat. Ut enim reliqua omnia. dissimulem:
 Muneris demandati eam esse conditionem, quis
 ignorat: Ut minimè ambigua sit dignationis;
 multum privatim, publicè plurimum decoris in-
 obeuntem conferat: præterea Prophetâ Babylo-
 nio interprete, dulcissimi omnium ac speciosissimi
 capax brabéi? Quemadmodum ab Aristotele
 Justitia Lucifero & Hespero, sic corona illa e-
 meritis Justitiæ Præceptoribus in caelesti braben-
 terio donanda, stellarum splendori non immeri-
 tō confertur. Verum enim verò quod de Vir-
 tute pronuntiavit Sacerdos Aseraus. *

Ἦν ἀρετῆς ἰδεῶτα θεοὶ μεγάλους ἐδίδξαν :

Ἀθάλατοι, μακρὸς δὲ καὶ ὀρθὸς ἕμπος ἐστὶν αὐτῶν :

Idem de gloriâ hac usurpari convenit: ad
 quâ, velut ad Honoris templum, non nisi per La-
 boris

Dan. 12. 3.

Nicom. l.

5. c. 3.

* Ante
 fores pul-
 chra Vir-
 tutis DI.
 posuere
 sudorem:
 sed longa
 via est.
 atq; ar-
 dua ad
 ipsam.
 Hes. op.
 l. 1.

boris ad eam patet accessus. Certè non coronatur,
 qui Olympia adit, nisi curriculo decurso: nec qui
 militiæ nomen dat, nisi stipendiis rite factis. Si
 aliud, certè Scholasticum vitæ genus multò labo-
 riosissimum ac molestissimum est. Qui ligna,
 ferrum & lapides usui apta reddunt, instru-
 mentis in eam rem sufficientibus adjuvantur:
 qui bestias cicurant & deferant, tam valida
 adhibent adminicula, tam certa blandimenta:
 ut axoveli, * sic loqui liceat, naturam edoment,
 feritatem frenent, & obsequentem beluam, exi-
 guâ & pusilli temporis mansuetudine doctam,
 quò velint, ducant. Pleriq; insuper Artificum,
 si secundum artis præscriptum procedunt; ra-
 rissimè ausis excidunt: & licet excidunt; error
 tantilli non est: quin jacturam facile resarcire,
 & existimationem, sicubi laboret, novâ mox
 operâ recuperare queant. Ingenui autem homi-
 nis institutio, uti omnes tam animi, quàm cor-
 poris functiones requirit; ita periculis nusquam
 vacat. In aliis negociis, *

* sine pul-
 vere

* Fortuna
 probrum
 extat inu:
 si quis pi-
 am Vir
 justus in
 justis gra-
 vatur ca-
 sibus.
 Menand.

Τύχη
 Σὸν ἐς' ὄνειδος τῆς, ὅταν ἔσῃ ἀνὴρ
 Δίκαιος ἀδίκους περὶ τὴν συμπεριποίησιν.
 Hic autem si quid omissum aut commissum
 paulò

paulò secius ac decet: imò si quid præter institutum & voluntatem Præceptoris Fata imperant: omne crimen, omne damnum, omnes dira exeunt in unum devoti Informatoris caput, noxa datum & sacrum: quod opera oleiq; profusi ludibrium periculo suo luere cogitur. Aten Scævam irritare, & omen non dextrum adoptare viderer: si præter omne meritum maculas immerentibus Præceptoribus ab ingratis aspersas (quale Lino, Pythagoræ & ejus Asseclis, Socrati, Platoni, Senecæ & sexcentis aliis evenisse constat) recensere vellem. Quæ si perspecta satis Chrysippus Stoicus habuisset: erroneum illud *φάρμακον* nunquam protulisset; Scholasticam, scribens, vitam à molli & voluptuariâ nihil differre. Qui hominem formandum suscipit, non hominem sibi tradi; sed ingenium ferinum, humanitate imbuendum meminerit: nec ingenium quidem; sed tabulam rasam; eamq; non eburneam, chalybinam aut adamantinam; sed ebore, & chalybe & adamante longè duriolem: in quam non cælo, aut graphiis, id est, violentâ & ædumnosâ asperitate humanitas insculpenda; sed molli mansuetudine; sæpe suspiriis & lacrymis intra præcordia obor-

E

tis,

Polyb. l.
2. Athen.
l. 12. c. 23.

Plur. Re-
pugn.
Stoic.

tis, guttatim instillanda; lineaq; tantisper du-
cenda; donec in imaginis decora consummatio-
nem conspirent. Urse suos fœtus lambendo fin-
gere scribuntur: Sic Præceptores multis vigi-
liis, infinitis lucernis, incredibili accuratione
lambendo, ut sic applicem, habitus pueriles for-
mant, & ad maturitatem educunt.

Ætatis cujusq;

canit Venuſina Siren.

notandi sunt tibi mores

Horat.
Poët.

*studio
laboris.

I; un. C.
de stud.
liberal.
L magist.
C. de Pro-
fess,

Mobilibusq; decor Naturis dandus, & annis.
Ob hac Præceptore non modò doctrinâ, virtute-
q; bene instructū esse oportet; sed quodammodo
industriâ Patrisfamilias; Hortulani aut Agri-
cola φιλοπονία. * Pastoris vigilātia; Artificis peri-
tiâ; Mercatoris dexteritate; Medici felicitates;
Magistratus prudentiâ præditum. Secundum
Legum Romanorum normam, Præceptorem
facundiâ & moribus excellere oportet. Quæ
Theodosius & Valentinianus Impp. ad Septem
extendunt capita; vitam nempe probis mori-
bus, docendi peritiâ, dicendi facundiam,,
interpretandi facilitatem, differendi copiam,
judicium de eo cætus amplissimi, sedulitatem
in labore. Verum enim vero Prudentia, quam

omississe

omiffisse videntur, potiffimas fibi partes vendi-
cat: quam Pythagoras Vitæ anchoram, fam-
blichus virtutem Principem indigitant; quæ
reliquis omnibus, ut habent hujus verba, uti-
tur; ipfarumq; ordinem, modum & occasio-
nem in præfentia, tanquam oculus quidam,
mentis undiquaq; lucidiffimus oftendit: quæ
gubernatrix hominum, civitates, familias &
privatam fingulorum vitam εἰς παράδειμον τὸ
θεῖον * referens, quâ poteft optimâ fimilitudi-
ne depingit, hoc delet, illud infcribit; utrumq;
συμμέλῃος * affimilat: quo fui poffeffores dei
fimiles reddit. Quæ poftrema ejus verba exa-
muſſim boni Præceptoris referunt ἀπειρασµα *
E characterem. Nimirum Difcipulū ut Li-
beri educandi; ut virgulta inclinandi, quò re-
ctè arborescant; ut ſementis Reipubl. curandi;
ut oves paſcendi; ut materia artis tractandi;
ut merx habendi; ut agrotantium παθήματα καὶ
συμπώματα noſcendi; ut Reipubl. Cives regendi,
imò ut theſaurus cuſtodiendi. Huc Præceptor
oculum intende: hîc tibi Rhodus, hîc ſaltus.
Memoranda ſunt, quæ huc divinus Plato al-
ludit. Homo, inquit, Si cum naturâ felici
rectam quoq; diſciplinam fuerit aſſecutus, in

Apud Sto-
bæum de
Pruden-
tiâ.

* ad divi-
num exē-
plar.
* conve-
nienter.

* effigie.

6. de LL.

divinissimum, mansuetissimumq; animal so-
let evadere : Sin verò non satis, aut non bene
fuerit educatus, ferocissimum omnium, quæ
in terris nascuntur, animal redditur. Cujus
rei intuitu, ab Oraculo sciscitandum per Ma-
gistratus svadet : cui viro tanquam optimo, e-
rudiendæ juventutis partes in Republ. sint cre-
denda. Quæ cum ita sint : nemini mirum vi-
debitur : si conscientia tanti oneris, quod impo-
ni mihi hac solenni ceremoniâ ceptum, animum
percellat meum : inprimis dum subductis ra-
tionibus.

Horat.
Poët.

--- quid ferre recusent,
quid valeant humeri,

probè excutio. Agnosco imbecillitatem meam,
Et tenuitatem : fateor, inveniri passim, qui ut
etate, sic eruditione, prudentiâ, auctoritate me
longè antecellant : Et quibus ob id fortasse com-
modius Sparta hac tradi potuisset. Quantum-
vis minimè dissimulem, quæ miserator Jehova
in me immerentem contulit beneficia, certè plu-
ra Et majora, quàm gratiis redhostire, verbis
satis depradicare valeam. Minor sum, Do-
mine, cunctis miserationibus tuis, lubet cum
Patriarchâ exclamare. Quid verò ? num meâ
conscientia humilitatis à tam præclaro munere
abster-

Gen. 32.
10.

absterrere? num magnitudo provincia, periculorum discrimen, fortuna ancipitium animum deicere poterit? Præsertim, ubi clarissimo Divinae providentia nutu res geritur: ubi propensissima Principis ac Domini mei voluntas tam certa effulget, quàm certum est, esse meridiem. Degeneris & incompositi ingenii esset, isthanc beneficii occasionem declinare; auctoritatem divinam aspernari; nec quò tam benigni Favonii aura evocaret, remis velisq; contendere, nec instar boni militis jussa Imperatoris, lubenti animo, gradu concitato sequi. Proinde exemplo Moysis & Jeremia, nullo balbutiei aut pueritiæ offensaiculo, & divina vocationi, & Principali voluntati clementissima me humilimè submitto; vocantium auctoritatem debitè veneratus, eaq; omnino spe fretus, fore, ut quæ Jehova operari per me capit, benignè perficere, adesse ori meo, loquenda docere, verba sua ori meo indere, omneinq; functionem coronare dignetur: tuaq; Princeps Serenissime, Celsitudo, eadem, quâ hætenus, gratiâ & benevolentia, obsequia & studia mea devotissima, sit prosecutura.

Florentissimus ille Corinthiorum Heros Timoleon,

E 3:

molcon,

Exod. 4.

IO. 12.

Jerem.

I. 6. 9.

Plut.

Timoleo.

Timoleon, cum Syracusas & reliquas Siciliae Ci-
uitates à fœdissimis Tyrannorum ludibriis li-
berasset; Tyrannos partim fugasset, partim op-
presset; Syracusas & alias semidirutas urbes
civium reductione & coloniarum deductione
frequentasset; Leges, jura, libertatem & reli-
gionem vindicasset; ac velut novam Rempubl.
constituisset; tantâ rerum gestarum gloriâ; tan-
tis triumphis, inter ipsos partæ pacis fructus
cumulatissimos, nihil elatus; si fortè vel Amicos
de tantis bonis certiores faciebat; vel ad Syra-
cusanos concionabatur; Deo gratias se habere,
quas posset, maximas, professus est: quod is,
cum servare & restituere Siciliam voluerit,
tam gloriosæ & arduæ rei, Timoleontis titu-
lum nomenq; præscribere sit dignatus. Ego
autem, tametsi longissimè à tanti Herois fortu-
nâ, quæ in multis singularis exstitit, me abesse
sciam: nihil impediore tamen, eâdem pietate
primum Numini altissimo, deinde Principi Il-
lusterrimo hujus muneris auctoribus, à quibus
omne id, quod geritur, profectum, gratias infi-
nitæ humiliter agere: quod cum voluerint re-
bus Scholæ hujus lapsis & deploratis succurre-
re, easq; restituere: me potissimum, cum Cla-
riss.

riß. Collegâ, tanta rei organa elegerint: quorum nomina in tam celebris Scholæ instauratione audirentur. Faxit Jehova Scholarum magnus Patronus & Sospitator; ut auspiciato id fiat: totumq; illud, quod suscipitur, ad nominis sui sanctissimi gloriam; ad tuam deinde, Princeps celsissime, laudem & delectationem; ad Ecclesiæ incrementum; Reipubl. ornamentum; nostri demum omnium emolumentum pertineat.

Nunc superesse video, quod solennis hic Inaugurationis actus decenter fiat: ut de proposita, quæ ad rem præsentem faciat, materiâ, sermonem ad vos institutam. Ac quanquam verendum: ne aqua mihi hoc inprimis loco hæreat: quandoquidem nec ab ingenio memoriâq; ita adjutus; nec exercitatione frequenti à teneris cultus & confirmatus sum; ut tam illustri confessa dignam afferre Orationem possim: attamen cum omnis mihi spes in vestra clementiâ & benevolentia sita; Vosq; aliàs Populum regere, Rempubl. gerere, consilia moderari, arma tractare soliti, hac vice ad id frequentes adjistis: ut horulam Panegyricæ huic auditioni impendatis: quod auribus vestris teretibus & delicatis

licatis consulam, succinctâ & luculentâ ratione; Quantum Reipubl. cum Scholis conveniat, quò ad Ortum, Constitutionem & fatales Periodos, edisserere proposui.

Tuam verò, Serenissime Princeps, Domine clementissime, Celsitudinem devotissime & humilimè oro : ut gratiam & clementiam Principalem adspirare; Vos porrò, Magnifici, Generosi, Strenui, Nobilissimi, Amplissimi, Consultissimi, Clariss. Doctissimiq; V.V. ut decet, devotè & submissè rogo : ut quod facere instituitis, vestrà me benevolentia tantisper sublevare dignemini : quoad velut Leucothoes velo adjutus, hinc unde jamjam solvo, secundis ventis in portum postea optatum enatare queam.

Gen. 3. Ut ergo rem ex alto repetamus : non grave sit mentis oculos parumper attollere, & ex hoc temporis articulo ad primordium rerum, ex hoc Choristerio in Orientem, & prima Parentum primorum tabernacula transferre. Ubi vestigio sese offerunt antiquissima humana societatis rudimenta. Adamus etenim fraude Serpentis Paradiso exclusus, per lapsum fœdè deformatus, & perpetuis jam arumnis laboribusq;

busq; obnoxius; quia resides divini jubaris scintillas exsereres; & è tenebricoso Jordium & squalorum ergastulo, oblivionisq; tetra cano emergere nitebatur; non ipse modò semina scientiæ resuscitare, exercitiisq; crebris & meditationibus est conatus: sed posteris quoq; auctor fuit, ut collatis tuguriolis societatem juxta ac humanitatem colerent. Unde brevi Hominum genere, ut fiebat, mirum in modum aucto, non domestica tantum societates, sed Civitates quoq; in unum statum coäluerent.

Quemadmodum autem mei non est instituti, quod Politici quidam hîc agunt, disquirere; placidane, an verò violenta fuerit prima Civilis regiminis institutio: (utut vero similis videatur, primum oppidi Architectum Cainum, cum non nisi in prolem & Nepotes suppeteret imperium, voluntaria jurisdictione, imperio non multum à domestico abscedente usum:) ita mihi planissime persuasum habeo: aut prius Scholam fuisse, quàm Politiam; aut unâ utramq; in primâ illâ Mundi conversione introductam. Nam Sapientiæ recuperandæ amore astuans Adamus Uxorem & quantum Filiorum Nepotumq; videre contigit, privatos intra pariete-

Gen. 4.
26.

F

tes do-

*tes docuit, idq; egit : ut tandem in Sethi familiâ
 de Sapientiâ & Religione doctrina ad posteror-
 sarta tecta & illibata transmitteretur. At
 quantò ista Adami cura prior adificiis Caini :
 tantò antiquiora Scholarum primordia haberi
 palam est. Quod si quis Familiam esse Reipubl.
 1. Polit. 2. partem pratendat: Rempubl. autem, cum Philo-
 sôpho, familiâ priorem statuatur; & sic hanc &
 illam ultra Scholarum initia extendat: ei ego
 vice versa repono: Adamum vel solum, dum
 meditationibus divinis occuparetur, & conti-
 nuis earundem exercitiis non parum delectaretur,
 tunc simulacrum, imò principium Scholæ
 fuisse; ejusq; secum fundamenta aequè jecisse, ac
 postea, cum Uxorem, familiaresq; reliquos, ead-
 dem meditationis dulcedine, velut Ambrosiâ
 post amissam vitæ scientiæq; arborem imperti-
 ret. Et hinc, autumo, illud resultat: quod
 Politicorum nonnulli affirmant: Reipubl. o-
 mniūq; ejus partium, uti & reliquarum,
 humanarum actionum finem, & summum
 Bonum in hac vitâ consistere in Contempla-
 tione æternorum. Cujus assertionis non ab-
 surdas audimus rationes.*

Aristotel.
 10. Ethic.
 7. & 7.
 Polit. .2

Cum enim omnis Politia sit exemplar &

avliu xoo

ἀνίσταται, universalis illius & suprema Monar-
 chie, tanquam ἀρχεῦς, quā Deus omnia suo
 nutu gubernat: (cujus ratio tunc demum nobis
 verè & plenè patebit: cum de victis in Mundo
 hostibus Ecclesia militare desinet, triumphare
 incipiet: cumq; Deus erit omnia in omnibus.)
 maxime sanè statuendum est: non esse summum
 finem ponendum in Republicā mundanā, tan-
 quam imagine & simulacro; sed potius ἐν τῷ
 ἀρχεῦς celesti: quò etiam reliqui omnes omni-
 um rerum fines subordinati referuntur. At in-
 terea dum hic peregrinamur, nec celesti patriā
 fruimur, non possumus, nisi contemplatione
 summum illud bonum consequi. Huc respiciens
 Plato Philosophiam universam Mortis con-
 templationem definiuit. Et Romanus Histo-
 ricus præclare alludit: Quæ Homines arant,
 navigant, ædificant, Virtuti omnia parent.
 Enimvero Virtus temporariā felicitate non
 contenta, querit quæ supra collocata & æterna:
 quod conamen Epictetus eleganter Naviganti
 comparat. Quemadmodum, inquit, subducto
 navigio, si aequatum exieris, obiter fortassis
 etiam cochleolam aut bulbū colliges: animo
 autem continenter in Navim, & ad Guberna-

Phædo-
ne.

Sal. Catil.

Enchirid.
cap. 12.

toris vocem intento esse oportet: ac tum illo
vocante, omnia praesentia omittere. *Non ali-*
ter in vitâ — Cum Domus & placens

Horat. 2.

o. 14.

Uxor;

Cum Respubl. distinet: nihil impedit, quin
quasi ~~paucos~~ ad caduca illa bona; sed perpetuo
firmiter ad aeterna tanquam Cynosuram respi-
cias: ut vocanti summo illi Gubernatori exem-
plo adsis, relictis sine gemitu, quæ hic possides.
Quod si ita nobis est praconstitutum: etiam
hoc consequi puto: summi hujus finis considera-
tione primos illos Mundi incolas motos, &
Scholarum conventus instituisse; & familias
in Reipubl. societatem conflasse: ut utroque vita
sic formari gerique posset: ut dignum aeternâ vitâ
exitum consequeretur. Quid si hoc ex summi
omnium rerum Architecti dispositione proma-
nasse diceremus? Is enim non aliam ob causam,
cum sediendum laboribus addixisset exant-
landis: septimum diem feriatum esse voluit:
cum ut Creationis memoriam refricaret: tum
ut Sabbatum conderet; id est; Scholis sive con-
templationibus & meditationibus diem sacrum
destinaret.

Gen. 2. 3.

Exod. 20.

7. 10. 11.

Deut. 5.

14.

Ezech. 20.

12.

Verum-

Verum enim vero ut præter hunc alios quoque fines Politia agnoscit: putate defensionem ab injuriis, commodiora negocia: Sic Schola quoque alios subordinatos fines minimè excludit. Præter enim quod æternorum notitia & desiderium in eâ implantatur; mores etiam puerorum afferri la vigantur; ingenium variis artibus ad vitam utilibus imbuitur. Equibus omnibus perspicuum fit: Scholas & Politias eadem habere primordia, eodem tempore capisse, ad eundem quoque terminum contendere. Subordinatorum autem in Republ. finium proximus & adequatus est Salus Reipubl.: itaque & Scholæ: unde alterum dissertationis nostræ caput emergit: quibus mediis videlicet tam Respubl. quàm Schola hunc finem consequi possint. Ut uno rem verbo designemus: videndum Fundatori & Legumlatore, quicumque sive Reipubl. sive Scholæ fundamenta & terminos, velut aratro ducto Urbis mœnia describit, futurumque opus molitur: ut eas ita constituat, ne ab ullâ vi, quantum ejus humana prudentia cavere potest, convelli & labefactari possit.

Constituuntur autem quorundam Politicorum suffragiis Civitas quàm firmissimè: Si pri-

Kirchn.
Republ.
disp. 1.
& 6.

Xenoph.
4. me-
mor.
Plat. Cra-
tylo. Po-
lyb. l. 6.
Cic. de
nat. deor.
l. decere
l. inter C.
de sum-
mâ Tri-
nit.

mò legum juriumq; circa Religionem & sa-
cra habeatur ratio: Deinde Potestas Impe-
rantum cum subditorum ordinibus, legibus
salubribus ceu vinculis conglutinetur & colli-
getur. Eum constituendi modum ex amussim
quadrare ad Scholasticum regimen, quis natu-
rali lumine præditus non videt? Nonne qui
Scholas instituit, primam Pietatis & Religio-
nis curam suscipit: Deinde quibus legibus Præ-
ceptores docere, Discipuli obedire debeant, edi-
cit? Cæterum sunt leges quædam, quas vocant
Fundamentales in Republ., sunt item *νεῖφια* &
arcana quædam, non nisi probè versantibus in
illâ cognita: quales peculiares ad tuendum sta-
tum & tranquillitatem modi, uni tantum Rei-
publ. ob circumstantiarum ingenium adequati:
qualis *δυσνεστία* aut defectus occultus, sine pia-
culo ad vulgus non prodendus: quale denum
antiquum Imperii *καμῆλιον* ad ornamentum tu-
telamve ejus destinatum. Nec Scholæ quidem
istis carent: ita ut punctum omne mereatur
Præceptor, qui vel modos peculiares, & ab ali-
arum Scholarum regimine remotiores, quibus
stabiliri & florere res literaria possit, tenet, inq;
usum deducit: vel in obscuro posita laborantis
Scholæ

Schola æquæhæta, & deliquia, non quorum vis oculis obvia cautè explorat, declinat, sine strepitu & opportunè eradicat. Nec Tutela quidem Scholis deest: non qualis puppibus olim imponebatur, deaurata Numinis imago: sub cuius fide navigabant: aut in hortis collocabatur: aut quale Trojæ asseruabatur in custodiam & incolumitatem Urbis, ligneum Minervæ simulacrum, inde Palladium dictum: aut Romana ancilia, & tutelare Urbis Numen, cuius nomen prodere capitale fuit: ne cognito eo ac urbe obessa, quod aliis fecerant, pati: ac evocato Numine, ope destituti Hostibus præda fieri cogerentur: aut deniq; Apollinis simulacrum apud Tyrios: quod somnio cuiusdam territi, dum Alexander mœnia obsidebat, aureâ catenâ vinctum, & Herculis aræ alligatum, quasi Deo forti in custodiam datum, ne fugeret, detinere studebant.

Emanuel Jesus, Verbum & Sapientiâ Patris, Tutelare decus, Geniale insigne Scholarum est:

Qui duodocennis hunc Ordinem præsentia suâ divinâ, doctrinâq; mirabili sanctificavit. Hunc meliori titulo, quàm ullæ aliæ sectæ, ut imaginem, Symbolum & tutelam venerari Scholæ debent.

Porro.

Petr. Arb.
Heinsius
in Silium
p. mihi
484. &
seqq.
Alex. ab
Alex. l. 4.
c. 2. La-
ciant. l. 2.
c. 4. Apol-
lod. l. 3.
Eurip.
Rheso.
Camerar.
Hor. l. 1.
c. 60. l. 2.
c. 10.

c. c. C. de
Profefs.

Plur. de
Republ.

Porro in Scholis Imperantium natura aristocratica est, administrandi modo Monarchicè temperato. Quo olim Sparta Rex, hodieq; Venetis Dux; eodem munere fungi solet in Scholis Rector: cui nonnunquam Scholarcha imminet, ut illis Ephori: Collegæ reliqui, ut consilium publicum & Patres adiunguntur. Hi Magistratus sive Praeceptores rite & solenniter eliguntur, vocantur, in vestiuntur, inaugurantur, insignibus, sceptris & fascibus suis decorantur, Regalibus privilegiisq; gaudent, jurisdictionem in subditos exercent, leges figunt & interpretantur, ordines Corporis Scholastici, officia, operasq; dirigunt; praemia penasq; moderantur; nec in ullo non imaginem boni Magistratus representant. Nec aula, nec Palatia, nec ministeria desunt. Et sicut in Principe multum interest, quibus virtutibus, quibus moribus, quâ aetate, quâ fortunâ, quâ auctoritate, quâ prudentiâ ad Rempubl. accedat; quo victu, quo amictu, quorum familiaritate & amicitia utatur: sic in bono Praeceptore omnia ista sollicitè expendi, est conducibile. Charonensis Philosophus praecpta Reipubl. gerendæ peculiarem in libellum

apis

apis instar è variis auctoribus comportavit: inter ea nullum invenire est, quod non etiam Praeceptor bono praescriptum videri queat. Comicus omnia succinctè suo more complexus, εἰκὼν δ', ait, βασιλεὺς ἐστὶν ἐμψυχὸς θεὸς. *

Deus certè omnium Rex, omnium Dominus; idem omnium Rector & Praeceptor, in terrâ vicarios suos habet. Magistratus & Praeceptores: qui radiis divinae imaginis scintillantes splendorem inde acceptum latè diffundunt: in violabilis Monarchæ illius sanctissimi character. Bonum etiam Principem nihil differre à bono Patre, qui edisseruit, è tripode locutus videtur. Cui oraculo Erasmus suffragans, Bonus Princeps, inquit, non alio animo debet esse in suos Cives, quàm bonus Pater familias in suos domesticos. Quid enim aliud est regnum, quàm magna familia? Quid Rex, nisi plurimorum pater? Homerus ποιέ-
ναι λαὸν * vocat: quem Pythagoras secutus, Similia boni Pastoris & boni Regis opera pronuntiavit. Æquè Pastori, æquè Patri, æquè bono Patri familias contenditur bonus Praeceptor. Inde evenit, ut è Chaldaeorum Ægyptiorumq; instituto Liberi non nisi à Parentibus

* Imago
summi
viva Prin-
ceps est
Dei.
Menand.

Chrysan-
tas apud
Xenoph.
Cyrop.
l. 8.
In instit.
Princ.
Christ.

* Pasto-
rem Po-
pulorum.

Diodor. l.
1. n. 81. l. 2.
n. 29.
Plut.
Apophr.
Lac.

G

aut

apis

aut Cognatis erudirentur. Agasicles quoq; Lacedæmoniorum Rex interrogatus, cur Philo-
phanem Sophistam non admitteret: horum
volo discipulus esse, respondit, quorum sum
filius. Sic David Salomonem, Tobias filium,
Nestor Antilochum, Æneas Ascanium, Cato
Censorius filium, ipsi erudierunt.

1. Reg. 2.
Tob. 4.
Iliad. v.
Virgil. 12.
Æneid.
Plut. Cat.

1. 1. Cy-
ropæd.
Xenoph.
Republ.
Lacedæm
Plut. Ly-
curgo,

Curt. 1. 8.
Capito-
lin. An-
ton. pio.

Apud Persas splendidissima & accuratis-
sima erudiendæ Juventutis olim ratio viguit.
Præceptores è publico petiti, in oculis Civium
etatem tencram juxta & adultam formabant,
quod speciosissime, ut solet, Xenophon memoriæ
consecravit. Nec minus eleganter idem Xeno-
phon, ut & Plutarchus, Lacedæmoniorum di-
sciplinam describunt: à quorum verborum sa-
nè aureorum & Cedro dignorum relatione
mibi invitatus tempero. Ut veteribus exemplum
ab hac tempestate subnectam, Sereniss. Chat-
torum Princeps Mauritius, quo ardore hanc
in Republicâ partem curet, velle eo liquet: quod
non modo exemplo Alexandri Magni, Anto-
nini pii Imp. & aliorum non sequioris notæ
Principum, aulicos pueros ingentibus stipendiis
alitur; sed etiam professorium obire munus, vel
professores audire, principali eminentiâ non in-
dignum.

dign
femi
nav
sis d
serv
licet
dire
Hui
ter, s
nis, u
secun
insti
cate
perq
quâ
hebr
Rep
num
utro
Sub
rari

nom
sicq
publ

dignum judicat. Id admirationem meretur,
feminas quoq; Liberorum institutioni operam
navasse. De Eurydice Illyriâ Epigramma Mu-
sis dicatum, & ab injuriâ temporis immune
servatum exstat: quod eam licet barbaram,
licet grandem jam natu, ut tamen filios eru-
dire posset, literis operam dedisse, testatur.
Huic adjungenda Cornelia Gracchorum ma-
ter, stupendi animi femina, tantæq; dignatio-
nis, ut à potentissimo ejus seculi Rege nuptiæ ejus
secunda ambirentur. Quid illa? In Filiorum
institutione domesticâ adeo profecit: ut, cum
cæteroquin Gracchi ingenio essent naturâ
perquam polito; melius tamen instituti,
quàm nati vulgò existimarentur. Quæ mu-
liebris institutionis ratio non inconvenienter in
Republ. cum Gynæcocratiâ contendit potest. Sed
nunc ordo exigit, postquam de Imperantium
utrobique naturâ cursim disputavimus: ut de
Subditorum nunc differentiis & civitate lite-
rariâ videamus.

Plut. de
lib. educ.

Id. Grac-
chis.

Ac primùm quidem omnes Scholæ Cives
nomina sua dare, & quasi fidelitatem jurare;
sicq; in matriculam inseri, in Scholasticâ Re-
publ. tenentur: Mox in Classes, hæ in Centu-
rias,

*rias, Decurias distribuuntur. Sigillatim differ-
 rentia ingeniorum fortunarumq; in numero
 est. Sunt huic corpori sua privilegia, sunt Co-
 mitia, Collegia, Panegyres, Aedificia, & Lo-
 ca privilegiata, sunt Sodalitates & Familiae
 quoq; sunt privata Opera, Leges domesticae,
 Peculium literatum, supellex libraria, Con-ven-
 tus & Exercitia; Sic uniti & distincti leges,
 jura Civitatis suae & Consuetudines docentur,
 & ad officium, ad operas, ad exercitia, manu-
 ductione assiduâ, asvescunt. Demum in Or-
 dines differuntur. Sunt enim aliqui dignita-
 rii: (sic loqui cum Politicorum Scholis fas sit)
 qui partim Nobilitatem claris Parentum ima-
 ginibus & armis fulgentem adferunt: partim
 ob merita & ingenii dotes eximias, prae-
 miis, locis conspicuis à Literarum Imperatore nobili-
 tantur: partim Principum, Ducum, Comi-
 tum, Baronum, Nobilium sive simulacrum, si-
 ve sementem praeseferunt. Quis enim scit,
 quae fortuna hinc digressos, sive militia, sive in
 foro sit exceptura: ad quos illud Comicum ce-
 lebra pertinet:*

** Puer
 memento
 te Senem
 quondam
 fore. Me-
 nand.*

*Μένεινός σεός ὦν, ὡς γέγων' ἔσῃ ποτὶ **
*Sunt deinde Beneficiarii, quibus pro cir-
 cumstan-*

*cum
 dim
 gent
 rum
 aut
 Mu
 din
 sunt
 tum
 deli
 dan
 tia
 q; E
 re m
 xem
 eora
 filiu
 am
 duc
 Nec
 pist
 &
 res
 feck
 last*

cumstantiarum ratione & dispensatione Lu-
 dimoderatorum, beneficia Privilegiaq; indul-
 gentur. Quod ipsum quodammodo Feudo-
 rum consuetudini, in Rempubl. à Longobardis
 aut unde unde accepta assimilatur. Sunt deniq;
 Munerarii; qui muneribus in re Scholasticâ or-
 dinariis extraordinariisq; funguntur. Tales
 sunt in Primâ Classe Decuria prima, qui Sena-
 tum cum Præside referunt: quorum officium;
 delinquentes in forum Scholasticum ad dicen-
 dam causam producere; in Praeceptorum absen-
 tiâ petulantiam cohibere; de Orationibus aliis-
 q; Exercitiis judicare; præmia pœnasq; designa-
 re merentibus; & reliquis bono laudabiliq; e-
 xemplo viam præire, eorumq; ducere. Præsides
 eorum suffragiis eligitur deponiturq;. Hi con-
 siliarii, hi judicium exercent, Persici instituti Xen. Cy-
ropæd. l. I.
 æmulatores non infelices: nec minori, puto, fi-
 duciâ & solennitate, quàm alicubi in Republ.
 Nec est, ut quispiam illa judicia Campana sine
 pistillo conferat. Præstonimistri sunt executores,
 & instrumenta pœnae fasces & virga. Censo-
 res in super hæc nostra Respubl. sustinet & Præ-
 fectos, & Quæstores. Illi in ipso Corpore Scho-
 lastico constituti de moribus, de vitâ, de officio
 G 3: singulo-

singulorum inquirunt. Isti decuriis, operis, die-
ta, Exercitiisq; præsunt. Hi exterius siti, ac-
ceptorum, expensorum tabulas curant. Mu-
neris extraordinarii, veluti Legationis speciem
præbet; si quis Scholasticorum vel ad honorati-
ores viros officii publici causa ablegantur; vel
aliis negociis decentibus adhibentur. Et sic pri-
mus subditorum ordo habet Dignitariorum, Be-
neficiariorum & Officiariorum: dum inte-
rum Ciceronianam ignoscant, istiusmodi vocabula
mutuò à Politicis sumi. Memini Præcepto-
rem olim meum, quem honoris causâ nomino,
Johannem Stralium U. C. L. sub exordium ali-
quando lectionis dixisse: Se quoties Scholam
ingrediretur, videri sibi ingredi navigium illud,
in quo, duce Noächo, secundi Mundi sunt ser-
vata principia: ibidem noxia pariter & inno-
xia, nobilia & ignobilia ambulasse animalia:
nec secus in Scholis varia ingenta ad diversos
vitæ usus & abususadolescere. Sunt itaq; in
altero Civium literatorum ordine promiscuè
docti, rudes, boni mali, domini servi, Agricola,
artifices, opifices, Mercatores, Venatores,
auriga, nauta, operarii, mercenarii, & ad ul-
timum proletarii, qui numerum faciunt, &
fruges

fruges consumere nati. An hac igitur non
genuina Reipubl. imago? Imò & fundamen-
tum & seminarium est. Diophantum Themis-
toclis filium sapiensculè ad aequales gloriatum
legimus: quicquid sibi, idem Atheniensibus
probari, adeoq; rem civilem à se gubernari.
Nam à se matrem, ab hac Themistoclem, à
patris nutu Populum pendere. Puerile jacta-
mentum est, quod verius de se usurpare juven-
tus literaria, commento novo, hac ratione posset:
Civitati fieri, quod sibi fiat. Inde enim olim
progressuri, qui Rempubl. in partibus ejus sibi
credendis, ut loquitur Imperator, sint guber-
naturi.

Plut. de
lib. educ.

Proem.
Justit.

Hic autem videor audire Politicum ali-
quem Pyrgopolinicum: qui hætenus fieri po-
tuisse, garriat, qualem qualem comparatio-
nem inter suam, id est, civilem Rempubl. &
nostram literariam: de cætero autem non sta-
re: nihil imbellibus Musis cum Marte com-
mune esse. Bona verba, quaeso, mi Vir: fa-
ve parumper linguâ: & nos tibi hoc negotium
dabimus expeditum.

An verò excidit è memoriâ, non Musas
solum, sed etiam Palladem illam galeatam, la-
ruatam,

Phornuc.
Albricus;

ricatam, hastatam, ageleida illam prædatri-
cem, Tritogeniam, populi servatricem, auxili-
atricem, equorum domitricem, Giganticidam,
imò totam Martiam; sed Herculem quoq; Or-
bis domitorem, Patronos Literarum & Præ-
sides ab antiquitate fuisse cultos & adoratos?
Palladis certè simulacrum, uti in numismate
veteri expressum, nihil aliud representare vide-
tur, quàm literarum armorumq; ceu benigno-
rum in conjunctione siderum faustam unionem.
Sunt hæc alæ, quibus ad Famae domum, ad tem-
plum Gloriae ascenditur, ita conjunctæ & co-
gnatæ: ut in plerisq; facinoribus inde usq; à
primâ bellorum tempestate gestis; fortitudini
bellicæ, an prudentiæ ex institutione liberali sus-
citata plus tribuendum sit, dubitetur; nec apud
unum Judicem disceptetur. Quotusquisq; est
Dux Veterum sive Græcorum, sive Romano-
rum, qui, non dicam, primâ ætate literis initia-
tus; sed in medio bellorum strepitu, in civilium
negociorum æstu à literis & Philosophiâ solati-
um, consilium, opemq; non quaesivit, non impe-
travit? Ad cujus aures non pervenit: Home-
ri poemata, precioso scriniolo (quo Darius ante
charissimæ κρηδία reposuerat) condita tum in
expedi-

expeditione illa famosâ idem præstitisse Ale-
xandro Macedoni; quod inter venandum li-
bri & pugillares Plinio secundo: qui non Dia-
nam magis montibus, quàm Minervam in-
errare scribit? Ille autem Iliada, quam vir-
tutis bellicæ credidit & vocitavit institutio-
nem, semper cum pugione repositam habebat sub
pulvino. Hinc, opinor, consecutus est: ut sicut
ipse Achillem sibi imitandum proposuerat; sic
ipse non ab uno Imperatorum & Regum postea,
ceu bellicæ virtutis exemplar unicum adorare-
tur. Hujus amulus C. Caesar inter arma non
indulgit solum lectioni, sed commentarios insu-
per, in ipsâ arena militari, inter belli civilis
furores confecit. Cum in tumultu Alexandri-
no ad mare urgeretur: quod prope fidem supra,

l. l. Ep. 6.

Plut,
Alex.

Tunc puppe relictâ

Profilit in pontum, siccos fert læva libellos;
Dextra secatur fluctus.

Joh. Sul-
pitius Ve-
rulanus.

Tantus literarum amor pervasit Heroum
istorum pectora: ut eos nec Martis discrimina,
nec præsentissima pericula, nec ignes, nec maria,
nec mortis metus à literarum commercio sepa-
rarent. Enimvero dubitet quis, boni illum
Militis officio functurum: qui regere exerci-

H

tum

Cic. 2.
Orat.

tum novit? Quis verò melius nosse poterit eo, qui à teneris tam regenda Reipubl. quàm armorum tractandorum, cognatarumq; artium præceptis imbuatur? Utrumq; ad Scholam pertinet, nec aliunde felicius hauritur. Hannibal Phormionem Philosophum de militiâ animosè perorantem coram Antiocho Rege, sustinuit quidem audire; sed interrogatus, quid placeret Peripateticus: multos se deliros, respondit, vidisse, sed qui magis, quàm Phormio, vidisse neminem. Non defuere superiore seculo, nec hodierno Hannibales. At ignorant violentissimi Homines, quod ipsi mero sudore, sub dio, in castris, in acie, lentissimis experimentis, nec minus periculosis manu didicere: id ab alio, ingenii non omnino infelicitis sæpè posse in umbratili hac militiâ, à novis, extra teli jactum, breviorè sumtu, tempore multò compendiosiore apprehendi. Quem in usum nuper Sigena Nassovia militaris Schola, exemplo veteris Spartana, recentiorisq; Turcica fuisse aperta memoratur. Porro quid in militia fit, cujus simulacrum Schola non ostendat? Leguntur illic Tyrones, dilectu, si ita ferunt tempora, accurato. Patria, educatio, ætas, habitus; studia eorundem exploran-

Plut. Ly-
curgo.
Busbeq.
Ep. Turc.

692

explorantur : exercentur ad scuta corrotunda;
ad palos : casum punctumque ferire; sagittas,
lapides, missilia jacere, portare onus, equitare
docentur : armaturâ imbuuntur : inde castrametari,
munire, in acie ordines & intervalla custodire discunt.
Demum, quid vicino Hoste agendum, quomodo flumina transeunda,
pabula querenda, ferramenta, machinæ, impedimenta
tuenda, insidiæ struendæ vel cavendæ, disciplina
castiganda, acies instruendæ, restituendæ, pugna
declinanda; quomodo recedendum, quid in pugna,
quid ante & post, quid in fugâ, quid in obsidione
faciendum, & quæ id genus alia discunt. Alio titulo
idem in Scholis usu venit. Tyronum Scholasticorum
lectus itidem fit, & examen : instruuntur libris,
atramentiis, calamis, velut armis : quotidie
exercentur : in ordines, centurias & turmas
describuntur. Et Principibus & Hastatos,
Triarios, Antesignanos videre est; nec non levis
armaturæ ferentarios, sagittarios fundatores,
balistarios & similes : quid ad exercitia, ad
velitationem, ad pugnam, hoc est ad disputationes,
ad causarum actiones, ad demolienda adversarii
machinamenta conducat, docentur.

Plut. de
Republ.

Liv. l. 38.
Val.
Max. l. 3.
c. 7. l. 4.
c. 18.

centur. *Exspectatis donec Hostem literatorum nominem? Est Barbaries, Inscitia, Ruditas, Inhumanitas: contra quem infestâ semper acie standum & pugnandum. Sunt insuper Scholarum Mommi, Zoili, Scarabai invidi: in quos sæpenumero tela è literali pharetra prompta torqueri, calamos velut enjës stringi est necesse. Sed quorsum me fero? Epaminondas magnus Thebarum Princeps, cum aliquando ab invidis accusatoribus in foro incessetur, indignam actionem detrectans, è theatro per mediam concionem in Gymnasium se penetravit. P. Scipio simile quid ab inimicis in judicio repundarum passus, triumphali coronâ impositâ, in magnâ populi, ad quem ei dies dicta, frequentia, conscendit rostra: & hac inquit, die Carthaginem vestras accipere leges cœgi: proinde æquum est, vos mecum, Quirites, in Capitolium ascendere supplicatum. Sic dixit: & deserto judicio, totum populum, secum, quò pergebat, traxit. Hos viros imitemur, & si qui bodie in nos minus aequi; si qui invidi surgentem novæ Scholæ florem incescere parant: omiſſis simpulariis eorum obtrectatiunculis, cum Epaminondâ in Gymnasium, cum Scipione*

ne in

ne in Capitolium properemus, à vero Deo, rerum, quæ feliciter capere, felicem successum precaturi.

Haftenus ergo, quid Scholis cum Politia, quoad originem & constitutionem conveniat, pro virili excussum, aut potius adumbratum: nisi admodum molestum est; ut pusilli adhuc temporis honorariam auditionem catero, quod restat, elargiri velis, Serenissime Princeps, Vosq; reliqui Auditores honoratissimi, etiam atq; etiam rogo.

Postquam atrocissima primi Mundi delicta universalis diluvione essent expiata: proxima etatis homines, tanti piaculi memores, ne similis pœnæ recidiva timenda esset; insanâ & monstrosâ turris circa Babylonem mole prævertere & cavere, duce Nimbrotho sunt conati. Quo facto, idem dux, ut fert hominum natura, insolens, non modò divinitatem quandam arrogare ausus est; sed imperium quoq; sibi posterisq; polliceri perpetuum. Ac licet immane illud & vix credenda granditatis opus, omnium circum circa Gentium manibus promotum, absolvi per divinam Nemesein non potuerit: nihilominus tamen alibi terrarum, simili insaniâ

Genes. 11.

Jos. 1. 1.

Antiquit.

c. 5.

in aeterna, ut falso erant persuasi, opera, strenue est sudatum. Videre illa secula Babylonicos muros, Pyramides Aegyptias, Mausolea monumenta, Tempia Ephesina, Capitolia Romana, Colossos Rhodios, theatra & amphitheatra stupenda, arcus triumphales, Circos capacissimos, balneas thermasque sumtuosissimas, aqua ductus mirandos, naues immensas, maria ponte juncta, montes perfossos, moles infanas, tanquam aeterna opum luxuriantium monumenta.

I. r. in
Nimbro-
tho.

Verumtamen, quem Turris illa, eundem eventum consecuta sunt prodigia istiusmodi ferè omnia. Turris, ut auctor est Boccatus in de Illustrium fortunâ, in interamnio Babylonio, instar montis aërei hodie visenda, serpentum, draconumque nidus est. Cetera pleraque solo aquata, ignibus absumpta, aquis absorpta, ut vix nomen restet: unum & alterum semisexesum, semidirutum, quantulacunque sui parte recordiam sui conditoris tacite damnat. Meminisse enim, quisquis ille fuit, debebat: istiusmodi opera temporum injuriis esse obnoxia: literas verò & Virtutem esse immortales. Accurat quidem fama tantorum operum, sed non
ex sui

ex sui naturâ: verum quia literarum monumen-
 tis immortalitati est consecrata. Quapropter
 rectius fecisse predicantur: qui curam operam-
 q³ suam omnem in iuvandis promovendisq³ lite-
 ris & artibus collocarunt: qui magnis impensis
 Scholas, Gymnasia Academias, Bibliothecas
 cōdiderunt; subsidia ad indaganda natura mi-
 racula præbuere; Viros doctos & ingenia emi-
 nentia ingentibus sumtibus aluere; & nihil,
 quod facere ad ornandam & amplificandam
 rem literariam possit, omisere. Tales Davides,
 Salomones, Alexandros, Ptolemaos, Lucullos,
 Augustos, Carolos, Clementes, Franciscos, Fri-
 dericos, Joachimos, Georgios, Rudolphos qua-
 vis Secula vidēre, & admirata sunt. Tales
 hodieq³ adhuc etiam in præsentiarum, cum ater-
 nâ hujus Patriæ nostræ laude & gloriâ videre
 & admirari licet. Quanquam autem hi He-
 roes suâ munificentia nunquā satis laudatâ ef-
 fecere: ut literarum decor de gente in gentem,
 quasi per canales perpetuos diffunderetur & fe-
 liciter propagaretur: quæ tamen omnium hu-
 manorum conditio est, perficere non potuere:
 ut Scholæ literarum perpetuò uno, unò semper
 in loco residerent & permanerent: sed illæ aut
 deserta,

deserta, post aliquod temporis intervallum re-
 convaluere; aut desolata & defuncta in aliis
 terrarum partibus resurrexere. Nemini la-
 tere existimo, Scholarum etatem recidivis sub-
 inde mutationibus perinde ac Respubl. esse obno-
 xiam: ac notari in fastis earundem Periodos,
 tam incrementis, quàm detrimentis nobiles. Est
 q̃, revera observatum, occultâ quadâ ^{concordia} Reipubl. statui cum Scholastico regimine etiam
 hoc casu convenire: ut Respubl. quidem Schola
 gratum præbeat hospitium; sine eâ verò rarò fe-
 liciter floreat: & eâ langvente & tabescente
 evestigio langvorem tabemq̃ contrahat. Cum
 enim fidelis puerorum institutio Civitatis fun-
 damentum sit; ut in fronte inscriptum hoc Mu-
 seum præ se fert: utq̃ omnium, qui de Republ.
 verba fecerunt, consensus habet: quis non videt,
 salutem & incolumitatem totius, à partis hujus
^{εὐνογία καὶ διακομιδή} * bono * unice dependere? Se-
 nescente Israelitarum regno, Scholæ quoq̃ Pro-
 phetarum spreta jacebant & desolata: usq̃
 dum ambo irruptione Chaldaeorum conciderent.
 Etiam sub Domini nostri etatem, quibus corru-
 ptelis Scholæ publicæ in vasa fuerint; quàm ne-
 fariè tot populi sectis distracta & depravata,

* bono
 tempera-
 mento &
 ordine.

ex

ex E
 nife
 mu
 inse
 rum
 alia
 ruin

alia
 ruin
 ta q
 Sch
 Cha
 ren
 No
 rass
 tata

AE
 sua
 ata
 fac
 am
 ve
 id
 ful

ex Evangelistarum historiâ & Josepho fit manifestum. Quam Scholarum ^{δυστυχία} supremum Hierosolymorum excidium est paulo post insecutum. Nec meliorem conditionem aliarum Gentium Scholæ sunt expertæ: quarum aliæ cum Imperiis deletæ aut translata; aliæ suâ ruinâ Reipubl. ruinam traxerunt.

Quemadmodum Gentium & Rerumpubl. aliæ corruerunt: aliæ aliò migrarunt: aliæ ex ruinis & ruderibus veterum collapsarum eruta quasi & excitatae sunt: sic ubiq; terrarum Scholæ. Antiquissima populorum magistra, Chaldaeam dico, sive à Belo Semiramidis parente secundum quosdam, sive ante Belum à Noachi filiis excitata, non equidem ita exspirasse, quàm in aliis Orbis partibus transplantata refloruisse videtur. Hinc Persæ, Indi, Ægyptii, Phænices, Æthiopes, Celtæ, Scythæ sua flumina erivarunt; quæ quidem ante plures ætates nunc planè exaruerunt. Quid Athenis factum? Quam urbem veteres quidam Græciam Græciæ & Musæum, Pindarus ^{ἐξ ἧς} sive culmen & firmamentum, Thucydides ^{ἰσάδος πάλαιον} è recentioribus alius, augustum fulgorantis eloquentiæ & exquisitioris sapi-

l. 18. Antiq.

Heurnius de barbarâ Philos. l. 1.

Thucyd. l. 2.
Athen. l. 5. c. 1. l. 6.
c. 6.
Cæl.
Rhodig.

entia^e sacrarium indigitarunt. Perit nihilominus; quæ eadem totius Gracia fortuna fuit: at ex illâ velut per canales traduces, sapientia^e studium ad Italos, ad Germanos, imò in omnes pœnè orbis angulos feliciter propagatum exundavit. Postquam enim exulare Graciâ, à furentibus Scythis iussæ sunt Musæ: trans mare, trans Alpes migrare visa, à diversis Patronis hac & superiore tempestate, nidos & sua templa recipere. Ne longè à proposito abeam: per omnem Europam ubiq; largissimam sapientia^e sementem & messem, ubiq; Musæa, Scholæ, Gymnasia erecta & dedicata, cum immortalis Conditorum laude, cernere licet. Et quamvis eadem Fatorum legibus sint obnoxia, quæ nihil firmum, stabile nihil sub Sole diutius manere permittunt: est tamen beneficium nullis gratiis redhostiendum, nullâ orationis vi dignè predicandum: quòd in Germaniâ hodie: & quid de regno tam amplo loquor? quod in dulcissimâ hac nostrâ Patriâ tot Scholæ celebres, Religionis, ingenuaq; literatura seminaria surgunt & efflorescunt. Et hîc verum fatenti nequid fraudi sit: ex quo

Aonia lepida venientes culmine Musæ

Montanâ gaudent urbe domoq; frui:

quicquid Scholarum hodie in Silesiâ viget: quicquid Zeli est & fervoris, siue in fundandis, dotandisq; Gymnasiis. siue in formandis Puerorû ingeniis: id omne (audacter dico) uni huic Chrysoreæ deberi: uni Aurimontanae acceptum referri, in propatulo est. Non nego Smogra, vel alibi antiquiores fuisse Scholas: sed minus utiles, minus nobiles. Nec dissimulo in hac nostrâ tenue tanti operis principium. Et cur dissimulem? cum satis constet, maximorum quoq; Imperiorum primordia, supra exulum latronumve fortunam vix fuisse posita: & è tuguriolis prorepisse, qui regna conderent, & Mundi habenis inhiarent? Nobilitatem crescentis augeri puto, si incrementa tantò illustriora facit; quantò ortus fuit obscurior. Sed in tenui hujus Scholæ sementi statim effulsit, quanta olim messis futura esset: adspirantibus huc clementissimam gratiam, & velut benignis astris intervenientibus Illustr. Friderico Secundo, & Illustr. Georgio Secundo, illo tuo, Sereniss. Evergeta, Proavo; hoc Avo, felicissimæ memoriæ Principibus. Infantiam Scholæ, sic loqui liceat, rexerunt M. Hieronymus Wildenbergius, qui anno Christi millesimo quingentesimo è Borussia huc appu-

lit: ut futuri operis auspiciū faceret, ac quasi
prima lineamenta duceret: exin M. Francis-
cus Sylvius, M. Bernhardus Buchwaldus,
& Georgius Helmricus. Virilitatis annos
sub venerando Trocedorfio auspiciata est, pia
memoria, & ingentis, dum viveret, auctori-
tatis viro, Silesiaq; Praeceptore bene merito.
Tunc latè radios suos diffudit, noviterq; post
Evangelii lucem acceptam, Scholastica illa Oe-
conomia à Trocedorfio instituta, ubiq; terra-
rum fautores & admiratores invenit. Con-
fluxere tunc ad novas Silesiorum Athenas un-
diq; grandi numero discentes: nec frustrati suā
spe, post exacta tyrocinii rudimenta, primaq;
stipendia facta, missi non modò Parentum Pa-
triaeq; desiderio satisfecerunt: sed etiam aliis
in partibus accepta eruditionis fructus cum
singulari tam religionis, quàm literarum incre-
mento & emolumento divulgant ac propa-
garunt. Inde factum, ut ad exemplar Auri-
montani Gymnasii plura alibi à vicinis Regu-
lis & Rebus publ. excitarentur. Vidit tunc
lata mater, hac nostra Chrysores, passim sur-
gentes filias, non sine eximiā suae virtutis consci-
entiā, fiduciā & gloriā: nec hilum invidit ea-
rundem

*rundem decori & felicitati: satis pro merito
coli arbitrata, si sua illæ filia, Colonia nimirum
Uratislaviam, Gorlicium, aut aliò deductæ
beneficium agnoscerent: & se velut matrem re-
verenter haberent, comiter conservarent.*

*Dehinc insignes virtute & eruditione vi-
ros quamplures tutores & moderatores acce-
pit: putate Thaburnum, Paxmannum, Cir-
clerum, Kifardum, Auleandrum, Siccium,
Crugerium, Feigium novissimè & Lauba-
num. UU. CLL. & eruditionis virtutisq;
gloriâ eminentissimos: quorum hic nostra tem-
pestate. Illustr. Bregensis Gymnasii, immortalis
magnificentia à Sereniss. Principe Dn. Johan-
ne-Christiano Silesiæ Duce Lignicensi &
Bregensi, Regio magni Ducatus Præsides,
Heroë incomparabili, recens feliciter instau-
rati habenas cum laude moderatur. Ac quan-
quam nec Reverendiss. Illustriss. q; Principis
ac Domini, Dn. Joachimi-Friderici, tui sere-
niss. Domine Parentis memoriâ sanctissimâ
Principis cura, nec Rectorum vigilantia quic-
quam unquam omitteret, quod ad ornandam
tuendamq; Scholam facere videretur: nullo ta-
men modo prohiberi potuit: quò minus hæc*

quoq; Schola in fatales Periodos incideret. Sensit itaq; fato aliarum tam Scholarum, quam Rerum publ. morbos, sensit decrementa, sensit maiorem vim & fluctus decumanos; & nuper (ô durum & abominabile verbum!) prope interitum. Tibi soli cognitum, Jehova opt. max. qui manu potente imperia Scholasq; regis, qui omnibus, quaecunq; hoc Cæli ambitu continentur, ordinem legesq; præscribis, qui solus Sapiens, potens, justus, misericors: tibi soli, inquam, cognitum: cur charam hanc Urbem, ad instar Patriæ dilectam, tot calamitatibus, tot periculis, tot devastationibus subjeceris. Non uno pœnarum genere, quibus aliàs singulis tota Regna non affligi tantum, sed & deleri solent, parvo temporis interliminio afflicta, concussa, & solo tandem æquata fuit. Cælum, aër, undæ, flamma & ipsa tellus in damna interitumq; ejus armata conspirasse videbantur.

Ecquis maxima flamma
damna æquet, quæ dira dies dedit unica, fando?

Hic in memoriam venit infelicitis illius captivitatis, in quam justo dei præpotentis judicio

Jerem. c.
I. v. 4.
& 16. c. 5.
y 15. & 16.

Israelita inciderunt. Quomodo viæ Zionis lugent (lamentatur Propheta nomine Populi) quod

quòd nulli veniant ad solennitatem: omnes
portæ ejus sunt desolatæ, Sacerdotes ejus ge-
mentes: virgines ejus mœstæ, & ipsa amari-
tudini est sibi. Propter hæc ego fleo, ex oculo
meo, ex oculo meo descendit aqua, quia lon-
gè abest à me consolator, qui reficiat me:
Cessat gaudium animi nostri: convertitur in
luctum chorus noster. Cadit corona Capi-
tis nostri: vix jam nobis, quòd peccavimus.
*Profectò magnus iste dolor & squalor, quo tot
annos captiva plebs obruebatur, non potest ul-
lius cogitatione satis percipi, nedum sermone de-
pingi. Jam desiderio Messia prope fessi, cum
adjuturum propediem crederent; desubito ex-
cisa urbe, deleta sacrificio, cum regno in miseran-
dum exilium proturbantur, extorres servitute
durissimâ premuntur: & licet Prophetarum
quorundam consolationibus erigerentur: parum
tamen à desperatione absuit animus malorum
mole submersus & emaceratus. Satis grandis
& efficax luctus fuerat; quo Populus perculsus
est, cum arcano à Philistæis capi contingeret:
ac tunc quidem, gloriam ab Israël emigrasse,
sunt lamentati. Hic verò omnia perdita: re-
gnum, Sacerdotium amissum; religio & sacra*
profan-

1. Sam. 4.

2. Reg.
ult.2. Chron.
ult.

profanata & proculcata : Urbs, Templum di-
ruta : agri vastati : populus in prædam abdu-
ctus ad injurias servabatur. Sicubi humana
ratio cassitat : hoc certè saxum, etiam fortibus
& obduratis formidabile : difficultas humanis
viribus ineluctabilis. Reminiscere hîc, ô affli-
ctissima olim Aurimontana, tuam calamita-
tem : qua quidem repentina, immanis, horren-
da ; sed Dei præpotentis beneficio, nondum cum
Israëitarum illâ conferenda. Extremum ma-
lorum, quod justo Dei judicio illis inflictum fuit
bellum, & ex eo teterrima servitus. Hoc à no-
bis misericordia Domini perpetuum amolia-
tur. Illi quadraginta præter propter annos in
squallore relictî : nos quod resecti citius, nec con-
sumti sumus, misericordiæ Domini debemus.
Tandem Persicorum Regum indulgentiâ Ju-
daeis copia redeundi, Urbemq, & Templum re-
edificandi & resuscitandi fuit facta : Sed qua
pericula, quas calumnias & interruptiones,
qua impedimenta & probra tolerare sunt coacti,
antequam Nehemiâ & Esrâ ducibus Urbs ne-
cessariis munimentis custodita renovaretur.
Ecquem verò non moveat : cum audit Seniores
Israëlitas memores Templi prioris, utpote ma-
gnificen-

gnificentissimi; lachrymas non tenuisse: dum
 novi Templi fundamenta jaci viderent: unde
 tantus commiserantis populi ejulatus subito
 obortus sit: ut jubilantis turbæ cantus præ alio-
 rum ejulatu exaudiri non potuerit? Nos qui-
 bus maturè Deus ^{dominus} ^{procurator} ^{procurator}, ut dicitur, adest,
 optabiliore certè conditione fruimur: nec adi-
 git præsentis temporis status: ut priorum ca-
 lamitatum, malorumq; præteritorum memo-
 riam plus æquo refricemus; lacrymisq; hodi-
 ernum festum, in quo tanta ex alto nobis
 adspirat gratia, dedecoremus. Præstat Ro-
 manorum institutum sequi: qui in sacris stu-
 diosè cavisse leguntur: ne quod verbum alicui
 excideret; quod omen minus secundum fau-
 stumq; facere, ^{et} ne perlitaretur, efficere qui-
 ret. Antehac equidem Cœnobium hoc à Divâ
 HEDWIGE ante annos quadringentos ^{et} sex
 fundatum; superiore sæculo Musis sacratum,
^{et} postea miserabiliter flammis deformatum,
 desiderare suum Nehemiam; Musæa cultoribus
 vacua gemere ^{et} vocare priores Dominos; pa-
 rietes plangere; ipsa hæc pulpita clamare ^{et} im-
 plorare sui decoris assertorem visa sunt. Sed
 hodie recuperata esse omnia, ipso habitu latiore

Peuc. di-
vinat.

K

amenio-

amēniore candidioreq; testantur: dum tuum
jubar, Sereniss. Princeps, tam largiter hauri-
unt: dum gratiosam tuam præsentiā sentiunt:
dum à Te gloriam, à Principalibus tuis auspi-
ciis fiduciam, ornatum & robur consequuntur.
Hodie veluti olim Hierosolyma à Nebemiā in-
staurata; Roma à Camillo redempta, ab Augu-
sto ornata; Smyrna à Commodo resecta, ab
aliis Imperatoribus & Regibus aliæ Civitates
reparate innovataq; fuerunt; sic hodie, in-
quam, Aurimontana, demissum paulò ante &
squallidum caput rursus extollit, libertatis &
ornamenti sui vindicem Dominum decenter ve-
nerata. Gaude & exulta Generosi Parentis
chara Filia: & ex hac secundissimi tui ortus
felicitate posteros metire. Si quid offendit na-
scentis thema indispositus alicujus Planeta ad-
spectus: crede, sine noxâ tuâ abiturum: Dum
Illustrissima Principis virtus ita suam lucem
tibi impertiat: ut ne alius luminibus tuis officere
queat. Nec enim audire possumus, nec debemus
eos: qui sive vâcordiâ sive odio literarum, be-
nigna Principum lumina à Scholis avertere sa-
tagunt: propterea quod literæ, ut ajunt, cor-
pus effeminant, animam emasculant: quod
hodie

hodie alia Seculi conditio, cum satis ubiq;
Scholarum vigeat, & nescio quam roseam
sectam & vitam Mundus parturiat: quod de-
niq; Mundi finis instet. *Pace vestra*, Benevo-
lentis. Auditores, *unum* & *alterum* (nam in
promptu est) respondere liceat.

*Studia literarum emollire humanas men-
tes, bonum dictum. Emasculari autem per ea
animum, citra calumniam non potest dici. Id
enim quod perditas in Paradiso ingenii vires
instaurat: quod humanitate & virtute &
prudentiâ & auctoritate animum imbuit; quod
contra pericula, fortuna & casus ancipites, contra
ipsam mortem Homines armat, quod immorta-
litati eos, mirandâ & deo consecrat: quod
Hominem tandem non nisi in summo Bono, in
Deo Opt. Max. quiescere facit: quomodo qua-
so, id effeminare animum potest dici? Scholas
vigere hoc seculo, non negamus: sed nec illud;
plerisq; aquam haurere. Dum enim antiquam
lyram delirantes, nec horum temporum condi-
tionem, nec genuinum institutionis finem, nec
media, per tot hæc annorum experientiam
castigatissima attendunt: etiam hoc dari postu-
lumus: plures negligi & corrumpi discipulos*

*in aliquibus, quàm opportunè duci
ad Sapientum templa serena.*

*De Rosea secta, quam fama celebrat, si qui
aureos sibi montes licentiosius pollicentur; vide-
ant ne cum Cane Æjopico umbra inbiantes
carnem amittant: aut cum Hannone Cartha-
ginienſi, dum tantam felicitatem affectant, ole-
um operamq; ludant. Is divinitatis titulum
aucupans, aves cicuratas garrere multis im-
pensis docuerat hac verba: Hanno est Deus,
Hanno est Deus. Sic doctas emisit: fore ratus,
ut eandem cantilenam, quam in caveâ didice-
rant, in vulgus differrent. Avicula verò non
tam subito ad libertatem, quàm ad vocem quoq;
naturalem liberam rediere. Mirum sanè, si
Mundus senex jam Θ effæctus, ut vulgò cre-
dunt, tam florentem prolem produceret! Vere-
or valde, ne de tali partu di verbiū illud usur-
pari possit, quo dicitur, Montes parturire.*

Nonequidem in video: miror magis:

*Quòd de tantâ futuri seculi felicitate: quantam
illi venditant, ne verbulum sit à Christo Θ
Apostolis; inò contrarium prædictum. Præ-
stigas omnia tempora vidère varias: tantam
verò proſſeritatem ne Sabinus aliquis somnia-
re per*

Ælian. l.
14. v H.
c. 30. A
Maximo
Tyrio
dissert. 19.
vocatur
Psapho;
In scolio
Dionis
Chryso-
stomi
 $\alpha\psi\epsilon\phi\alpha\varsigma$.
Ubi non
nihil va-
riat,

re per auream corneamve portam potuisset.
 Equè deinde frivolum est, quod de instanti se-
 culo è quercu fortè Dodoneâ jactitant. Nemini,
 ne Filio quidem Hominis secundum humani-
 tatem, cognitum illud tempus. Solius divina
 virtutis opus tempora disponere, Mundum po-
 nere & tollere. At posito, non concessio protinus,
 esse ad extrema ventum. Malus profecto Oe-
 conomus, qui aquis crescentibus aggere, aquis
 non cavet. Tantò enim sollicitius est vigilan-
 dum & operandum: quantò metus propior.
 Si hareses exsurgunt: si pericula urgent; si ju-
 dicium prope: cur fides ventus egregiè non muni-
 tur? cur emerenda immarcescibilis Coronæ
 gratiâ, quæ Scholarum fautoribus parata; eti-
 am in hoc opere, cum alia longè ignobiliora fer-
 veant, non judatur? Si diem Mundus du-
 raret? si cras Judicium foret? at qui hodie ta-
 lem sementem facis; cras messe frueris: qui pri-
 die Scholam facis: postridie te ut stellam, ut si-
 dus Firmamenti refulsurum, verbo Domini
 prædictum habes. Si eandem ob causam non
 fereret Agricola, nec surculos pangeret: si diti-
 ores exemplo Nisi Syracusani pecunias (quod
 Patrum memoria non uno in loco factum nar-

Daniel.
 c. 12. v. 3.

ratur) inconsulto profunderent: quid futurum
putatis?

Apagite ergo cum erroneis & anilibus
istiusmodi nugamentis, & faceßite tales à pu-
ris Musarum sedibus!

Nos meritò Heröas nostros, qui Scholis, &
per has Mundo consultum eunt, suspicimus,
miramur, veneramur, & tantum non adora-
mus, tanquam à Deo missos ad id & donatos.

Quandoquidem etiam nobis talis Everge-
ta, verus Nebemias divinitus obtigit: quid
vetat, quin obliteratis calamitatibus, omis-
sionibus, neglectis invidiarum musculis, hunc
intueamur, veneremur unicè; in hoc secundum
Deum spem nostram sitam profiteamur.

Ita me presentis beneficii splendor, futura
prosperitatis spes hoc momento occupat: ut pa-
rum memor prioris argumenti, de quo me non
sufficienter debitum; sed nimium pro tempore
dixisse vestra patientia convincit; nunc me to-
tum ad gratias Jehovæ primum; dein tibi Illu-
strissime Evergeta; demum Vobis quoq; Pa-
troni, Fautores, Amici excellentissimi, agen-
das convertam.

Magne

M Agne Jehova, meam non dedignate juventam
 In cathedrâ posuisse istâ, nunc iussice vires:
 Sufficere ut possim rebus, te Rege, gerendis.
 Nominis alma tui nos effice templa; tuere
 Clementem Patriæ Patrem cum Coniuge charâ;
 Cuiq; Domo totâ: inprimis qui servat habenas
 Elysias: rege Consilii moderamina: quævis
 Damna cave his Sanctis alvearibus: ut tua totum
 Florescens benefacta canat Schola nostra per Orbem.

Et tibi, quas possum, Princeps Celsissime, grates
 Expedio, Numenq; tuum venerabile letus
 In mea vota voco. Quod sanctè est, perfice, cceptum.
 Hactenus, ut decuit, cinesacta consulis Urbi:
 Concedisq; locis antiqua Palilia, ut alter
 Nehemias, Schola nunc sentit quoq; Filia Patris
 Nuda voluntatem. Peregrinis ante quievit
 Sedibus Arca Dei: quod dedignaris, & illam,
 Quid moneant alii, neglecto, sede reponis,
 Quæ genialis, amena & certis debita fatis.

Pondera, cui lubitum, Rhodii miranda Colossi:
 Aureaq; extollat magna Capitolia Romæ;
 Et quas contendit moles Ægyptus Olympo.
 Is ligna & lapides, grandesq; extollit arunas,

Indiga

*Indiga tutoris monimenta, obnoxia séclis.
At noster, divina, tibi Sapientia, templa
Viva dicat Princeps, nulli cedentia séclo.
Ingredere, ò Princeps, a vibus sacra Templa secundis,
Magna Piaſtæ ſpes, gloria & inclyta Gentis;
Praſidium, & Clarii decus inſuperabile Regni:
Ingredere, & digna bene capta coronide dona,
Sic tibi de noſtris annis Deus auxerit annos:
Sic tibi caeleſti dederit Deus arce coronam,
Romulidum quo vis potioſem, crede, triumpho,
Quæ vel Olympiaca ſtatuerunt præmia luctæ.
Quantillum inſumes, Benedictio dia refundet;
Et nos (tua Cura, ſumus, quod jufferit eſſe)
Semper honorem, aumñq; tuum laudesq; canemus.*

*Multo, Magnifici Proceres, pro munere, vobis
Solvo etiam grates. Vos tutelaria Ludi
Principis auſpicio ſurgentis, Numina ſanctè
Advoco: quod cunctis dedit Illuſtriſſimus Auctor,
Exemplum accipite: & fauſtis ornate Sareptam
Conſiliis: hoc pro merito, Deus ipſe triumphum,
Sidereamq; oleam vobis ſuper axe reponet.*

*Sic quorum nos grata juvat præſentia, Vobis
Gratia noſtra vicem reddit, Patres reverendi,*

Præ-

*Præ
Ut v
Conſ
Ord
Hoc*

*greß
GRU
ſtar
max
voce
ven
lem
ram
eris
& p*

*mei
cion
da:
nem
por*

*At
duo*

*Præclariq; Viri, tuq; ò conscripte Senatus.
 Ut velut in citharâ, grato discrimine, in unum
 Conspirare fides visæ melos; inchoet Urbis
 Ordo omnis, sua vi concentum reddere plausu.
 Hoc Deus ex alto nostris indulgeat annis.*

Nunc superest, ut ad te, unde primò digressa, Oratio redeat, Venerande & Clar. Dn. GRUNÆE, Patrone & Fautor Parentis ad instar honorande: tibi gratias, quas possum maximas ago: quòd vicariâ & internunciâ voce (quam ego ut auroram Solis prodromam veneror) gratiam & clementiam Principalem annuncia veris: quòd Spartam tam decoram tradideris, quòd de officio paternè monueris: Pro his omnibus Deus Te tuosq; largâ & perpetuâ benedictione sospitet, ornet, beet.

Debebam & ipse Oratione sponsoriâ officii mei rationes edere. Sed cum in tam illustri Con- cione temporis ratio quàm maximè sit habenda: & ipse longiùs, quam destinaram, orationem provecam videam: tempero mihi, & ad portum me subduco.

Et quid multis? Literis proditum legimus, Athenis duos Architectos, de opere publico conducendo contendisse: ac unum quidem lingua

Plut. Re-
publ.

L

melio-

* Viri
Atheni-
enses,
quemad-
modum
hic dixit,
sic ego
faciam.

melio^{re}m, in publico multis verborum lenoci-
niis futuram suam industriam probasse; artifi-
ciumq; eleganter depinxisse: alterum autem,
arte quidem, lingua non item pollentem in hac
prorupisse verba: ἀνδρες Ἀθηναῖοι, ὡς ἔγωγε ἔφηκεν, ἐν ᾧ

πολλὸν. * Dicat etiam & præscribat præcepta u-
tilia, qui potest: ego eam ob causam me in hac
cathedrâ collocatum memini: ut quod puerili
ætati nobis credita optimum & saluberrimum,
non modò scribi & dici, sed & cogitari potest,
reapse præstem. Hominem equidem me esse

agnosco, nec immunem à communi Humanita-
tis lege: nec inmemorem priorum tempesta-
tum: nunc autem in optatum, & ut spero,
tranquillum fidumq; portum receptus, uti
Deo & Principi meo vota dudum facta exsol-
vo & lito; ita futuram vitam, quantum ejus
superi st, iisdem ducibus, Bonæ Menti dico &
consecro: exinde integritatem, innocentiam &
fidelitatem vitâ clariorem custoditurus; militi-
amq; secundum Sacramenti formulam, pro
virili militaturus. Quantum divina mihi
gratia largietur, summâ ope, omnibus viribus
& nervis eò annitar: ut Sparta hac, auspiciis
tuis, Serenissime Princeps, Domine clemen-

tissime

tiffin
Dei
opta
Quo
publ
faus


tissime, mihi credita, per me sarta tecta, imò per
 Dei gratiam, quàm maximè potest, ornata in
 optatum illum. à multis florem reefflorescat.
 Quod Deus opt. max Ecclesia & Schola, Reiq;
 publ. & nobis omnibus & singulis bonum, felix
 faustum & salutare esse jubeat.

D I X I.



L 2

DESI-



DISSERTATIO,
Deprospero negotii suscepti
successu, quomodo is rectè
sperari possit,

Ex

*Libro I. Cyropadias
Xenophontis,*

Ad instaurationem Ducalis.

AURIMONTANÆ
accommodata:

à

M. DANIELE VECHNERO.

*Lipsius l. de
Milit. Rom.
ex Polybio.*



Ui olim cives erant rei-
pub. Romanæ, stipendia illi vi-
ginti, si pedites erant, intra an-
num ætatis 46. facere cogeban-
tur: quibus confectis vacatio-
nem habebant, & non nisi in gratiam Consu-
lum ad signa redibant: ad quæ cum amanter
invita-

invitarentur, ex eo Evocati dicebantur. Non
 absimilis mea nunc ratio est, Celsissime & il-
 lustrissime Princeps, Domine clementissime,
 Magnifici aulæ Ducalis procures, viri nobilif-
 simi, reverendi, clarissimi, cives honoratissi-
 mi: annum nunc ago 47. & in hac militiâ
 Scholasticâ cum lapsu anni superioris viginti
 numeravi stipendia, ut more prisco Veteranis
 accensus, & legitimâ militiâ defunctus fue-
 rim: At in gratiam tuam, Domine, sed & pa-
 triæ mihi semper charissimæ, evocatus parco,
 auspiciisq; Ducalibus duram hanc militiam
 subeo, & cum nunc vacationem habere de-
 bebam,,

Me rursus in bellum resorbens

Unda fretis tulit æstuosis.

Horat. 2.

Od. 7.

Imó veró æstuosis, sive difficultatem spe-
 ctes, sive periculum. Quantæ enim Deum
 immortalem difficultatis est, Scholam peni-
 tus collapsam instaurare, & velut ex cineribus
 de integro

superas educere in auras?

quantæ hoc dexteritatis! quantæ industriæ!
 quantæ sedulitatis est opus! non hic desidiæ
 locus est, non remissioni, non cunctationi,
 qui

qui talem suscepit provinciam: quin imò
si brachia forte remisit,

Virg. 1.
Georg.

Atq; illum in praeceps pleno rapit alveus amni.
Quod si jam advigilavit probè, si sobriè, si
frugaliter omnia, quæ sui fuerunt muneris,
accuravit, nec tamen eventus (*qui in nostra
non est manu*) consiliis & actionibus respon-
det, periclitatur fama etiam solertissimi, &
maximè industrii magistri: gratiæ verò au-
ra, quæ initia ejus benignè afflavit, nunc ra-
tem ejus planè destituit: & quem modò su-
spiciebant, nunc contemnunt; cujus nomen
jucundum ipsis fuerat, nunc invisum esse inci-
pit: & ut uno dicam verbo, qui modò præ-
clarè vigebat, nunc in omnium animis est
mortuus: ut non absurdè veteri formulâ fu-
nus indicere liceat: Ite exequias, quibus com-
modum est, fato infelici extincto didascalæ.

In hac verò difficultate, ac lubrico rerum
statu, devoto ac humili animo gratias ago cle-
mentissimo Principi ac Domino meo, qui sa-
pientissimo sanè consilio, meo me jure uti vo-
luit: & cum veteranus sim, & evocatis accen-
situs, summam rerum doctissimo viro JONÆ
MELIDEO, qui & ævo & ingenio viget, com-
misit:

misit: me verò lateri ejus adjunxit, ut in partem venirem, & ut Plautino verbo dicam, amicus ei sim consiliarius, atq; etiam auxiliarius. Bonum factum! ero, quem me esse vis, Celsissime Princeps, & illud Syñachi per Te *1. Epist. 58.* nunc mihi dici puto: *Quisquis bona frugis est, in publicum commodum vindicatur:* atq; ideo omnibus industriis hoc pium & salutare opus adjutabo, & in secundos labores reparatam virtutem, prosperumq; successum à Deo benignitate expectabo: ac ne temerè ita sperare videar, de hoc ipso in augustâ hac panegyri breviter dissertabo, & quâ ratione felicem quispiam successum polliceri sibi possit argumenta dicam, eaq; non in meo cerebro nata, sed à Xenophonte mutuata.

Itane verò, inquires, alienis te ornatum is plumis? certè placet. Sic namq; verbis meis gratiam mutuabit tanti viri autoritas, nec fumos vendere censebor Principi meo, & magnificis aulae Proceribus, qui non domi nostræ nata, sed à gravissimo scriptore accepta in medium profero: sed & simul specimen edidero, quomodo juvenus veterum scripta in succum & sanguinem suum, (quod dicitur)

citur) convertere debeat. Certè quo longius hæc volvo, hoc rectius mihi facere videor. Ita namq; cum ratione hanc provinciam, & bonâ cum spe ingredi putabor: nec minus & mearum operarum præclarum nunc documentum propono, cum potissima mihi cura fuerit, ut ex veterum scriptis ad veram prudentiam informem juventutem. Agite igitur, Celsissime Princeps, Ducalis aulae summatres, viri magnifici, nobilissimi, reverendi, clarissimi, politissimiq; agite Xenophontem latino vobiscum sermone fabulantem, & negotii bonâ cum spe suscipiendi rationem præscribentem, attentis auribus auscultate, meq; verba & mentem sapientissimi scriptoris accuratius pensitantem, & quæ ille mirâ brevitate adumbravit, paulo latius ediffertantem cum benevolentia attendite. Tædio vestro medebitur mea dicentis brevis: sed & ipsa rei, quam tracto, utilitas audientiam facile sibi conciliabit. Quis enim non cum voluptate audiat rebus agendis optatum eventum præscribentem, siquidem verbis Theognidis

πρᾶγμα δὲ πρᾶξις τῶν ἐν ἐγὼ λόγῳ.

Quæ validè cupias, res est jucunda potiri.

Antequam

Antequam, verò rem ipsam aggrediamur,
 breviter præmonitum volumus, duo esse ge-
 nera hominum, qui felici successu frui in sa-
 cris dicuntur: ac primum quidem, qui verà
 DEUM pietate colunt, illi, *quidquid facient*, *Ps. 1. v. 3.*
prosperari dicuntur: sed & de impiis, qui Chri-
 stum & ejus pia membra sceleratè & astutè
 persequuntur, scriptura tradit, eos *efficere co-* *Ps. 37. v. 2.*
gitata, & *prosperari in viis suis*. Verum nos
 hujusmodi tales ab sermone nostro segregan-
 tes, divino eos committemus judicio, & bre-
 vem eorum prosperitatem sempiternâ infeli-
 citate compensatum iri autoritate sacrarum *Ibid. v. 37.*
 literarum ipsis denunciamus: hoc verò loco
 saltem de honestis, de licitis, de piis actioni-
 bus, nec ut illæ ad æternam salutem singulo-
 rum; sed ut ad vitæ hujus commoditates, &
 felicem statum referuntur, verba in præsentì
 sumus facturi. Ita enim piis prosperitatem
 promitti novimus, ut ad suam ipsorum salu-
 tem calamitati & cruci sint subiecti; sed ut *fi-*
nis ipsorum sit pax, & adversitates omnes læta *Ibid. v. 37.*
 excipiat catastrophe; at quæ vitæ huic degē-
 dæ utilia sunt & necessaria, consilio ac ratio-
 ne feliciter dirigi posse censentur. Sed & in hjs
 M ipsis,

ipsis, obijciat quispiam, non ita nobis licet
præscribere eventum, ut non quàm sapissimè
spes nostras ac manus calvetur. Et si enim
Sen. Ep. 4. sapientissimè quis remigerat; tamen *de even-*
Plaut. 1. *tu fortuna judicat*, qui, ut Comicus loquitur:
Mostel. 3. omnibus rebus velut horno messis magna fu-
it: cum agricola quidem,

Columella ubi jam puro discrimine pectita tellus
Deposito squallore nitens sua semina poscit,
ea manu suâ spargat; messem verò non item
in manu habeat: ut consilio quidem, quæ a-
gimus, dirigere possimus, successum à solâ
DEI benignitate speremus, & expectemus,
necesse sit. Ita sanè est: & tamen nihilomi-
nus prudentis est, prudenter agere, atq; inde
spem felicitis eventus concipere: qui licet quã-
doq; ad expectationem non respondeat; non
tamen feriatos nos esse oportet, nec temerè
quidquam suscipere. Sicut enim optimo ju-
re eos deridemus, qui, quod unicè cupiunt,
Terent. 4. DEUM sibi dormientibus confecturum credunt,
Adelph. 1. nihilq; agentibus sibi de calo devolaturum in si-
Livius l. 7. num censent; ita vice versâ qui sedulo, quæ sui
muneris fuerunt, ac solerter exsecuti sunt, &
bonâ spe prosperi successus nituntur, pruden-
tes pu-

tes putamus. Etsi igitur Dei munus est felix rerum eventus; eundem tamen non nisi operâ nostrâ intercedente vult largiri: ut qui prudenter ac sobriè rem gerat, de successu dubitare non debeat. Vides prudentem prudentiâ niti in agendo; & tamen successum à solius Dei largitate expectare.

In hanc sententiam præclarè monet Arrianus Epictetus, ut quæ in nostrâ sunt potestate, quàm dexterrimè perficiamus, reliquis verò utamur, ut dant sese. Sed quomodo, inquit se dant? ut Deo visum fuerit.

Extra numerum sunt igitur, qui per temeritatem omnia agunt, vel per desidiâ negligunt. *Ita enim, (verba sunt Salviani) terris frumenta credimus, ut cum usuris credita recipiamus: ideo in vineis labor maximus ponitur, quia homines spes vindemia consolatur: ideo negotiatores thesauros suos emptionibus evacuant, dum venditionibus sperant esse cumulandos: ideo navigantes vitam ventis ac tempestatibus credunt, ut spebus, votisq; potiantur.* Ex his sanè constat totum inter homines spe agi, sed in quo labor & industria quàm maximè occupatur, temeritas & iner-

M 2

tia

τί ἐν θεῷ;
τὰ ἐφ' ἡ-
μῖν βέλπ-
ου κατὰ-
σκευάζειν
τοῖς δ' ἄλ-
λοις χρεῖ-
σται ὡς πέ-
φυκε, πῶς
ἐν πέφυ-
κεν; ὡς ἂν
ὁ θεὸς
θέλη.
Lib. 1. c. 1.
Lib. 2. con-
tra Avari-
ciam.

tia planè excluditur : ut omni laude dignissimus sit prudentissimus. Xenophon, qui cum Cyrus auxiliares Persarum copias Cyaxari avunculo suo regi Medorum contra Assyrios duceret, Cambysem facit filium suum usq; ad fines regni prosequentem, eumq; saluberrimis præceptis onerantem : atq; inter alia quidem prudenter informantem, quomodo rebus suis rectè præesse debeat, ut felicem experiatur successum. Quæ Cyro ibi dicta sunt, nobis accommodabimus : quæ militiæ duci præscribuntur, ad omnes in genere actiones transferemus.

L Ac primum quidem Cambyses à filio auspiciorum requirit accuratam cognitionem, ut ipse divinitus oblata signa sobriè interpretari possit, ne si ab aliis pendere cogatur, ab iis falsâ signorum interpretatione in fraudem inducatur. Apage sis, inquis, nugamenta isthæc : Itane imprudens in ipso impingis limine, ut superstitionem gentilitiam velut ab orco revocare, nobisq; obtrudere satagas ? Imò verò toto ego animo superstitionem illam detestor, eamq; divinæ lucis fulgore semel profligatam perpetuò hæreere jubco,

Ubi

*Ubifada tellus torpet eterno situ
Rerumq, maestas finis, & pigro sedet
Nox atramundo:*

Sen. Her-
cule Fur.
Æ. 702.

Veruntamen nec priscos illos scriptores tan-
quam sexagenarios de ponte præcipitari pla-
cet; sed quid illis auspicia fuerint, quomodo
iis usi, accuratius etiam dispiciendum arbi-
tror; fortasse sub illis latebit quidpiam, de
quo utiliter moneri posse videamur. -Xe-
nophon certe hoc ipso loco *συμβλας τῶν θεῶν* &
ὡς δὲ τῶν θεῶν συμβουλευόμενα illa vocat, ut nihil ali-
ud auspicia ipsis fuerint, quam consilia DEO-
rum, & quæ illi consulentibus quasi respon-
derint. Cum enim in Cimmeriis illis tenebris
de DEI voluntate non satis essent certi, hujus-
modi talia sibi signa excogitarunt, ex qui-
bus DEI voluntatem, & quasi consilium con-
jectarunt. Nos verò, qui DEI beneficio ex
verbo revelato; quid DEUS á nobis fieri velit,
quid item vetet, liquidò scire & intelligere
possumus; hujusmodi auspiciis non indige-
mus: imó, cum á solo DEO & verbo ipsius
pendere debeamus, ea superstitiosa esse, & fe-
riò vetita novimus: & tamen nihilominus
ex præcepto hoc Xenophontéo discimus, ea

Deorum
consilia, A
Dis sugge-
sta.

M 3: duntaxat,

Ubi

duntaxat, quæ Deus approbat, feliciter suscipi; quæ invisa illi sunt, non item: ut velut in artibus subjectum præcognosci oportet; circa quod operari debet artifex; ita in agendo negotium, quod suscipitur, ante omnia probè considerandum veniat. Non enim, quidquid suscipitur Deo amicum est, sed saltem quod pium, sed quod honestum, sed quod utile & salutare est in vitâ. Non est satis: animo etiam sincero & candido, quod agis, agas necesse est. Non enim quid fiat, Deus respicit, sed quo animo fiat. Nam quod invitatus, quod coactus, quod pravâ animi intentione negotium suscipis, tametsi per se prævum non sit, tamen ab animo tuo pravo hoc ei affricatur, ut Deo invisum sit. *Optimus enim animus pulcherrimus Dei cultus est: contra verò mali non effugiunt impietatem, quamvis aras sanguine multo cruenta verint,* piè & religiosè scribit Seneca. Ut igitur in oculis domini probum sit, quod suscipis, probo & recto fine, ad quem omnia, quæ agas, referuntur, suscipias necesse est. *Qualis enim finis, inquit Seneca, talis hominis actio.* Et non minus doctè Epictetus: singulæ, inquit, quæ

â no

Seneca

â nobis fiunt, si ad nullum finem referamus, temerè egerimus; sin, ad quod non decet, respexerim, frustra, laboraverimus. Neq; vero τέλος illud περιέμενον vagum est, & varium, sed semper idem: ὅ μὴ εἰς τὸ αὐτὸς ἐστὶν αἰὲς βίη (κόπος, ὅπως εἰς τὸ αὐτὸς δι' ὅλης τῆς βίης εἶναι εἰ δυνατότα, prudentissimè scripsit prudentissimus Imperator M. Antoninus: *Cui non unus idēq; vitæ finis semper est, is unus idemq; per omnem vitam esse nequit.* Finis autem & idem regula omnium actionum nostrarum est & esse debet D E I gloria, cui omnes creaturas subservire oportet. Sed & si publicæ salutis, si commodis proximi studeas, ita id agas, necesse est, ut huc tanquam ad scopum rectarum actionum omnia collineent. Tuam quoq; ipsius utilitatem neutiquam ita spectaveris, ut eam ab honore & gloria DEI sejunctam velis. Præclarè B. Chrysostomus: *si DEI, inquit, gloriam spectares, tuam quoq; assequereris; dum vero tuam quæris præ illius, neq; hac unquam frueris.* Omnium igitur actionum mensura & regula est D E I gloria: sed & salus proximi, ὅτι ἐνεκεν ἀλλήλων γερόναμεν, ad mutuum auxilium facti sumus, secundum Marcum Imperatorem: nec quisquam pro-

ximo

Epist. 95.

ἐκαστον
τῶν γινώ-
μένων ὅφ'
ἰμῶν, ὡς
ἂν ὁπλὴ
μηδὲν ἀνα-
φέραμεν
εἰκὴ ποιή-
σομεν ἐάν
δ' ἐφ' ὅ μὴ
δεῖ, δι-
φασμῶ-
νως.

lib. 3. c. 23.

Homil. 7.

ad Rom.

εἰ τὴν τῆς
θεῆς δόξαν
ἐζητεῖς,
τότε αὖν καὶ
τῆς σῆς ἐ-
πέτυχες.
τὴν δὲ σὴν
ἐζητῶν
περὶ τῆς ἐ-
κείνης, εἰδὲς
ταύτης ἀ-
πολαύει
καὶ ὁ θεός.

L. Ioh. 4.

v. 20.

Lib. 3. ad
Cathol. Eccl

Matth. 7.

v. 12.

ximo benigné facit, nisi Dei dilectione huc
agatur, & mente sacrarum literarum. Itaq;
tamen *nihil quidquam cuilibet seipso propius,*
nihil carius invenitur; teste Salviano, *ut omni-*
um sit communis inimicus, qui fuit hostis suo-
rum, ut vult Cicero; ex tamen actiones tum
demum probæ sunt, cum suam illis & suorum
utilitatem quispiam provehit, ut alteri non
noceat. Mentis enim sinceritas, quam ad ne-
gotium recté suscipiendum afferre debet, hoc
ipsum requirit, ne specioso prætextu cordis
sui improbitatem obvelet, ac pietatis simula-
tione multorum impunè perniciem molia-
tur; sed ut seriò ad ea, quæ honesta, quæ salu-
taria, quæ pia sunt, feratur: *honestis siquidem*
manibus, ut autor est Plinius, *omnia latius*
proveniunt; & ipse Salvator hanc nobis regu-
lam actionibus huiusmodi dirigendis præscri-
psit: *Quaecunq; volueritis, ut faciant vobis*
homines, ita & vos facite eis. Hostes veræ
religionis multis astutisq; consiliis hoc agunt,
& egerunt, ut ipsi suam potentiam longè la-
teq; propagent, ac verum Dei cultum extin-
guant: conatu omnino nefario, propterea
quod inani prætextu & Dei gloriam, & salu-
tem,

tem plurimorum innocentum eunt oppugna-
tum. Lacedæmonii olim liberos suos ita
adsuefaciebant ut solerti furto alii rem suam
subtraherent, & quo quisq; hac in parte sol-
lertior, hoc melior habebatur: certé more
improbo & nequam, cum ad detrimentum
aliorum talis vergat industria, & ad fraudes &
injurias inferendas utentem adsuefaciat. Ve-
teres Persæ adulteria approbarūt, Scythæ cæ-
dibus mutuis gavisi sunt: more omnino sce-
lerato, cum honestati & rectæ rationi tales a-
ctiones repugnent. Contra dux belli ex occa-
sione hostem decipit, affligitq;: probissimé.
hoc enim refert ad salutem publicam, ut rem-
pub. tueatur, ut incolumitati suorum mili-
tum prospiciat, & quantum quidem fieri po-
test *avari*, & sine cæde suorum vincat. At
per insidias hoc facit, & dolum: Imó his le-
gibus hostes facti sunt, ut suum quisq; com-
modum sequeretur detrimentum veró, &
perniciem quærat alterius. Sux igitur socor-
diæ acceptum ferat, qui studio & industriâ
hostis circumventus est, cujus omnia dicta &
facta suspecta ei esse debebant. Itaq; hoc pri-
mum fuerit, ut in omni negotio feliciter per-

N ficiendo

ficiendo probé dispiciamus, quale sit illud, quod agendum suscipitur. Hæc optima, hæc perfectissima, hæc infallibilia sunt auspicia, quib⁹ in consilium ipsum DEUM adhibemus, & ex præscripto verbi ipsius sine benigno responso nunquam dimittimur.

II.

Provehimur nunc ulterius: ubi de negotio gerendo jam constat, consequens est, ut piis precibus nos & actionem nostram DEO commendemus. Non enim infeliciter procedere potest, quod DEO quasi autore aggressus fueris.

Olymp. 8.

πολλὰ δ' ὁδὸς Κύν θεοῖς εὐπράγχα, multa sunt via felicitatis cum DEO, pié profatur. Pindarus: ut si unâ viâ, & quam fortassé nos intendimus, non succedat, DEUS tamen aliâ nos ad optatam metam perducatur. Ferunt Socratem (verbis hoc dico Symmachi) si quando excidit cupitis, aut destinatis, id sibi utile, quod evenerat, aestimasse. Nam meriti sui securus interpret, ea conjectabat esse meliora, quæ casus dabat, quàm quæ animus appetebat. Homo igitur ethnicus tantâ fiduciâ sibi optima quæq; de DEO pollicebatur, ut quâcunq; etiam viâ sibi omnia feliciter successura crederet: nos divinis promissionibus suffulti dubitabi-

Libr. 2.

Epist. 64.

mus?

mus? aut si non ea statim nobis tribuuntur,
 quæ petimus, DEI fidem in dubium vocabi-
 mus? & non multo melius eum suis prospici-
 cere, quàm ipsi nobis, credemus? *Certè vo-*
luntatem timentium se faciet, & dabit eis pe-
titiones cordis ipsorum, argutè canit Psalter:
 licet non eo semper modo det, ut ipsi expe-
 tant. Etsi verò, quæ de piis precibus necessa-
 ria sunt scitu, melius certiusq; ex sacro codi-
 ce hauriamus; placet tamen, saltem propter
 consensum, etiam ex profano scriptore disce-
 re, quâ ratione ut, quod agimus, prosperè suc-
 cedat, nos DEUM rectè invocare debeamus.
 Breviter verum adoratorem ita sibi consci-
 um esse vult autor noster, ut DEOS sibi amicos
 speret: huic exactè consentiunt Stoici, quibus
μόνος θεοφιλὴς μόνος εἰδὼς εὐχασθαι, solus DEO charus,
solus novit precari. Hoc vero quomodo
 tandem assequetur quispiam? uno verbo, si
 sincero animo DEUM invocabit. Sed quia
multis simulationum involucris tegitur, &
quasi velis quibusdam obtenditur uniuscujusq;
natura, duas ponit notas Xenophon, quæ de
 tali animi sinceritate testantur: primam qui-
 dem, si non necessitate jam urgente ad preces

Ps. 145. v.
 19. & Ps. 37.
 v. 4.

teste Dioge-
 ne & Sto-
 baeo.

Cic. Epist. 7.
 ad q. frat.

confugit, sed cum res sunt maximé secundæ,
tum quoq; non immemorem se Numinis hoc
Menand. cultu adorationis præbet. Quia enim *ευδαιμονία*
ἔτιωθεν ὑπερβαίνειαν ποιεῖν, *prosperitas insolentiam*
parit,

Claud. *vitium rebus solemne secundis :*

certé qui rebus florentibus devoto animo
Deo supplicat, sinceritatem suam, quâ Deo
se subicit, atq; omnia ei fert accepta, satis de-
monstrat. Præclaré Plutarchus, *in rebus*, in-
quit, *secundis habendus honor Deo, ut in ad-*
versis cum fiducia possit invocari. Sicut enim,
qui amicos, ubi res prosperæ suppetunt, colit;
firmiores eosdem in turbidis etiam experitur;
ita qui prospero rerum statu Deum reveren-
ter adorat, de auxilio & sublevatione ejus se-
curior esse potest. Alteram notam piæ sin-
ceritatis facit, si in cultu divino nunquam se
negligentem & socordem exhibuit. Veræ
enim pietatis est, animo & cogitationibus De-
um complecti, & dictis factisq; venerari. Ps.
Ps. 30. & 31. 37. Verus autem cultus est, (ut ethnicis suas
superstitiones & commenta humani ingenii
relinquamus, & de nostro ipsorum defectum
suppleamus) devota fide, & fideli devotione

agno-

agnoscere DEI benignitatem, qui lapso homini redemptionem misit in Filio suo; prædicare iustitiam, qui propter *λύτρον* Redemptoris in gratiam recipit omnes ad se confugientes; adorare sanctimoniam, qui ab operibus tenebrarum liberatos per Sp. Sanctum regenerat ad opera Electorum DEI, ut Christo Salvatori adhærentes in dilectione magis magisque adolescamus. Qui tali animo DEUM adorant, de auditione & felici successu non debent esse anxii. *Orationis enim pura, ut B. Augustinus loquitur, magna est virtus, & velut fidelis nunciatus mandatum peragit, & penetrat, quò caro non pervenit.*

Post pias preces, aut cum iis rem ipsam aggredi convenit, sed cuius gerendæ rationem probè teneas. III.

Non enim inertes DEUS adjuvat, & felici successu provehit in rebus, quarum omninò rudes & imperiti sunt. Si mihi, Excelssime Princeps, permetteretur, ut in hippodromo ducali decurionibus operam darem equestribus, profecto non animum inducere, nedum optare ausim, ut palinam obtinerem, qui talium exercitiorum planè sum expers.

Quantum ego risum moverem omnibus, si ioculo tale quid jactarem? quod si serio id expeterem, magno cum odio etiam expellerer. Qui igitur in re aliquâ prospero successu uti cupit, ad illas actiones probe se exerceat, sine quibus illa confici nequit. Prudenter Epictetus: *πρὸς ἑναὶς ἡλείς, Ἐαυτῷ πρῶτον ἐπιτέ, εἰδὲ ἔτω ποίει, ἢ ποίεις, Quinam esse velis, ipse tecum constituito, deinde fac, quæ facere decrevisti.* Qui operas exercere vult mechanicas, arti, quam amat, se addicit, & quo accuratius illi operam suam impendit, hoc felicius evadit artifex. Qui docere alios cogitat, ipse, quæ docenda sunt, discit: *τὸ διδάξασθαι δὲ πρὶ ἐιδόν, ῥᾶπτερον, docere alios perito facilius; contra verò*

Pind. Olymp. 8.

Quodq; parum novit, nemo docere potest. Profecto frustra quis prosperum sibi successum pollicetur, qui rei rectè gerendæ rationem & modum ignorat. Sicut enim qui altiora sectatur, quàm quibus consequendis par esse possit, omnem operam perdit, sæpè etiam malum sibi attrahit. *τὰ μεγάλα ῥδ' ἐπὶ ἁλῆδι αὐτῷ γίνεται τὸ μέγεθος, magna lubrica sunt propter ipsam magnitudinem; ita qui ea tentat,*
& ag-

Dionys.
Longinus
περὶ ὑψ. 85
122.

& aggreditur, quorum omninó rudis est, is
 frustra se fatigat, & omnium ludibrio expo-
 nit. Quomodo enim victoriam in equestri
 prælio speret, aut à Deo petere auit, qui ipse
 studiis equestribus nunquam vacavit? Quo-
 modo jaculandi imperitus, eos, qui peritiam
 hujus artis habent, se superaturum præsumat?
 Quomodo, qui rationem gubernandæ navis
 nunquam didicit, naves se servaturum ani-
 mum inducat suum? Recté itaq; cum Xeno-
 phonte nostro concludimus nefas esse talia à
 Deo precari, & *ὡς ἂν τῶν θεῶν θελήσας πάντα
 ἁγῶν εἶναι, contra divinas leges hæc omnia esse.*
 Etsi enim Deus ex suâ benignitate omnia no-
 bis largitur, non tamen id sine nobis, cum no-
 stram quoq; operam intervenire velit: quo-
 modo veró interveniat, si imperiti talium
 operarum simus, quibus, quod susceptum
 nobis est, perficiendum fuerit? Itaq; licet de
 Dei facilitate in exaudiendis precibus nihil
 non polliceri nobis debeamus; non tamen in-
 spem sibi quidquam referat, qui inepta petit,
 & quæ iis congrua non sunt, quæ agit, aut
 posse agere videtur. Sicut enim qui iniqua
 ab amico petit, repulsam patitur, plané co-
 dem,

dem modo qui, quæ fas optare non est, à Deo
petunt, nihil eorum impetrant.

IV.
Sticho

Deniq; ut prosperé, quæ agas, succedant,
studio & labori non est parcendum. *Ut opta-
ta eventant*, inquit ille apud Comicum, *ope-
ram addito*. Neq; enim sufficit, ut quis ra-
tionem rei bené gerendæ calleat, nisi etiam,
quæ novit, facto exsequatur. *εὐήθεια μὲν φαί-
νεται*, inquit Menander, *δηλόμενη, τὸ νοεῖν μὲν ὅσα δὲ,
μὴ φυλάττειν δ' ἅ δὲ*. *Stultitia manifesta mihi
videtur, nosse quæcunq; oportet, non vero face-
re quæ oportet*.

Lib. 1 c. 6.

Ἀλλ' αἱ μύξαι μὲν ῥέουσι, *mucrus mihi è naribus
effluit*, queritur natio delicatiorum apud Epi-
ctetum. At quid responsi accipiunt à sapi-
ente Stoico? Cur verò manus habes, ô man-
cipium? nonne ut emungas? Nimirum ipsa
natura organa nobis largita est, quibus neces-
sariis operationibus defungi possemus, ut ni-
hil nobis per desidia boni obventurum do-
ceret. Cumq; ocium & inertia animum cor-
rumpat, & omnis generis vitia in desidiosè
agentibus pullulent, non secus atq;

Hor. 1. Sat.
3.

Neglectis urenda filix innascitur herbis;
Deus omnes nos ad nostram ipsorum salu-
tem

tem, assiduis laboribus vult exerceri. Itaq;
 quocunq; te convertas labore cuncta perstre-
 pere videbis: viget in castris, in rostris, in
 curiis: non aspernatur tuguria, non refugit
 palatia: multus est in nemore, major in agris,
 maximus in pelago: sive domi, sive peregrè
 agas, te ut umbra sequuntur omnis generis
 molestia, imò *caput & circa saliant latus.*
 Nemo igitur tam delicatus sit, qui inde se
 exemptum velit, quod urget uuiversos: nemo
 illud subterfugere expetat, quod felicitatis
 suae materiam esse intelligit.

Τὰς τύχας ἐν τῶν πόνων ἡμεῶν, prosperitatem ex
 laboribus venari jubet Euripides: siquidem πεπόν-
 των πόνων πωλᾶσιν ἡμῖν πάντα τ' ἀγαθὰ οἱ θεοί, *Labo-*
ribus omnia bona nobis Dii vendunt. Ne
 igitur illi, verbis Salustii, *falsi sunt, qui di-*
versissimas res pariter expectant, ignavia
voluptatem, & premia virtutis. Profecto qui
 tales sunt, perinde faciunt, ac si, qui semen-
 tem facere negligant, copiosam verò mes-
 sem sibi polliceantur: aut qui in conflictu
 versetur acerrimo, & temerè proruens, ni-
 hilq; sibi cavens, salutem à Deo petere non
 dubitet. Frustra, qui piger est, Deum invo-
 cat, nec divinis promissionibus rectè nititur,

O qui

*In Iugur-
tha.*

Libr. 2.
κυρπασι.
ὁ θεός ἔπει-
πας ἐποίη-
σε τοῖς μὴ
θέλουσιν ἑ-
αυτοῖς πορ-
εῖσθαι ἐκ-
ποιεῖν τ' α-
γαθὰ ἄλ-
λ' αὐτοῖς
ἐπιτακῆ-
ρας δίδωσι

Lib. 22.

Plaut. Per-
sa.
Sen. Epist.
31.

qui Dei omnipotentiam & bonitatem suæ
patrocinari ignaviæ petat. Itaq; noster alibi
Xenophon huiusmodi talibus, qui sibi ipsis
præclaros labores præcipere reparcunt, verif-
simè denunciat, Deum iustissimo iudicio alios
impositurum, qui ipsis præcipiant & servitute
premant. Verum huic labori diligentia &
cura quædam accedat necesse est. Non enim
omnis qui laborat, probandus est, sed qui la-
bori suo comitem addit solertiam. Temere
namq; agere, aut nimis cupidè, & à labore su-
persedere, in æquo ponendum esse statuo.

Etenim temeritas, quod ex Livio hausimus,
præterquam quod stulta est, etiam infelix est:
at festinatio improvida est, & caca. Itaq; ibi-
dem prudenter Fabius cunctator Paulum,
consulem monet: omnia, inquit, audentem
contemnet Hannibal, nil temerè agentem me-
tuet. Quam enim rem accures sobriè & fru-
galiter, solet illa rectè sub manus succedere: nec
quicquam est, quod non expugnet pertinax ope-
ra, & intenta ac diligens cura. Ex his quæ
dicta sunt hætenus, rectè nos inferre posse
videmur, qui sincero animo negotium quod-
piam, quod nec à pietate, nec ab honestate
alienum

alienum est piis precibus auspiciatur, ejusq;
gerendi modum ac rationem tenet, nec suo
labori & industriæ parcit, cum de prospero
successu nihil non sibi polliceri posse.

Nunc quod superest, ad Celsitudinem tu-
am, Dux illustrissime, totum me converto,
animumq; tuum generosissimum amplissi-
mâ spe incendere non dubito. Quod nunc
Celsitudo tua negotium, in instaurandâ du-
cali ac longè antiquissimâ Scholâ, suscipit;
reverâ est multo maximum, ac

periculosa plenum opus aleæ:

Hor. 2. Od.

1.

quod initia in manu quidem nostrâ sunt, e-
ventus ab ipso Deo, penes quem sunt omnia,
expectandus est: verum ex his, quæ in medi-
um prolata sunt, ab ethanico quidem pruden-
tissimo accepta, sed ab orthodoxâ pietate ni-
hil omnino deviantia, Celsitudini tuæ opti-
ma quæq; polliceor, ac publicâ denunciatio-
ne confirmo: Deus qui hanc tam præclaram
mentem inspiravit, successum etiam largie-
tur prosperum & exoptatum. Si enim ipsum
Opus per se spectamus, pium est, & salutare:
cum officina hîc aperiatur, in quâ juvenus
ad divinam & humanam sapientiam excoli

& informari debet, ut deinceps verè de hac
ducali Aurimontanâ nostrâ Poëtæ illud glo-
riari poterimus:

Aristoph.
in Nubibus
7. 94.

ψυχῶν Κοφῶν τὰ τ' ἐστὶν Φρονήσεων.

Ista sapientum est officina mentium.

Quod si verò illustrissimam tuam men-
tem attendimus, quâ hoc opus suscipitur, sin-
cerissimam eam deprehendimus, & plenam
devotionis: cum id unicum spectet, ut ad
D E I gloriam, ad salutem & Ecclesiæ & rei-
pub. optima pars generis humani, flos juven-
tutis & pueritiæ hîc quam rectissimè institu-
atur: ut semina hîc sobriè spargantur cælestis
& divinæ sapientiæ, undè latissima surgat se-
ges, & fructus metantur uberrimi, qui se lon-
gè lateq; diffundentes, Ecclesiis doctores, re-
buspub. defensores, principibus consultores
præbeant doctissimos, qui curiis sufficiant
magistratus, urbibus cives bonos, ipsi etiam
scholis magistros: qui deniq; à libellis, à rati-
onibus, à negotiis homines, & ad quamvis
humanæ societatis partē viros subministrent
aptissimos, & apprimè utiles. Dignum pro-
fecto opus Principe, & Principe pio ac saluta-
ri, qui omnibus prodesse, omnia ad salutem
publicam, ad divini nominis gloriam diri-

gere unicè laborat. Pausanias Adrianum

Imperatorem, quem suâ ætate imperium tenuisse scribit, duabus rebus commendat

In Atticis
f. 5.

τῆς τε τοῦ θεοῦ τιμῆς ὅτι πλεῖστον ἐλθόντα, καὶ τῶν δεχομένων εἰς εὐδαιμονίαν τὰ μέγιστα ἐκείνοις παρέχόμενον, quod

Numen religiosissimè coluerit, & felicitati singulorum ex subditis quàm maximè consuluerit.

Utrumq; Celsissime Princeps, hoc ipso facto de te possum. Non ipse modo tuam pietatem

Deo approbas; sed ad piam etiam institutionem juventutis ducale instauras Θεωνπήριον:

in quo, dum ad omnes præclaras in vitâ actiones educabuntur adolescentes, nō modo piæ

devotionis publicū proponis documentum, sed & felicitati tuorum subditorum unicè

prospectum cupis: Etenim tanta vis est rectæ liberorū, *dum genua virent*, educationis, ut in

2. Eth. 1.
Apud Platonem in
Lachete
248. & in
Clitoph.
255.

cā omnia ponere Aristoteles non dubitarit: Socrates verò curæ rei familiaris hanc ipsam curam pro benè educandis liberis præferat. Nec

mirum: illa quippe φύσις ἀγαθὴς ἐμπιπεί, si Platoni credimus, ut indolem deteriore corrigit, bonam etiam meliorem reddat. Quo-

modo igitur? illustrissime Domine, dum rectæ educationi adolescentum nobilium &

O 3.

plebejo-

plebejorum, & qui tuarum sunt ditionum, &
qui extra eas, benignè hac in parte prospicis,
noñe salutis omnium & singulorum heroico
planè animo te rationem habere fatendum
fuerit? Atq; hoc præstantius tuum est benefi-
cium, quod non præsentem solummodo felici-
tatem tuorum Ducatum ac ditionum sol-
licitudine tuâ is promotum; sed in longitudi-
nem etiam consulis, & quod secuturum juvet
ævum tuâ providentiâ complecteris. Mul-
ta quidem in felicissimâ ac saluberrimâ tuâ
gubernatione paternæ curæ, quâ ditioni tuæ
subjectos complecteris, documenta extant:
verum hoc mihi verè dicere videor, & pace
dicam tuâ, nullum ex omnibus manifestius
edidisti, quàm quod hodierno die velut signū
quoddam omnibus conspiciendum extulisti.
Quæ enim in laudabili tuâ gubernatione salu-
tariter constituisti, ad felicitatem pertinent
eorum, qui nunc sunt; quod verò nunc opus
perficis, ad salutem etiam spectat posterorum,
& qui post nos futuri sunt. Nam dum col-
lapsam hanc Scholam erigis, dum educationi
consulis juventutis, velut semina spargis uber-
rimæ mellis, quæ sequentibus temporibus
quàm

quàm plurimos exhilarabit, & fructus suos
ad posteritatem, si qua fuerit, extendet, la-
tissimeq; diffundet. Itaq; ut in auspiciissi-
ma tua gubernatione non omnes fortasse pa-
trium tuum affectum agnoscant, aut si non
nemo etiam meritissimis tuis laudibus quo-
quo modo obstrepere, verbisq; extenuare ani-
mo improbo, ac furiosissimo præsumat: pro-
fectò quam hie adeptus fueris adorem, vi-
gebit memoriâ semper recenti, nec ullius ho-
minis invidiæ, aut suggillationi futura est
obnoxia; sed integra semper, sed virens, sed
florida ad seram posteritatem transmittetur
& conservabitur. Quid? quod hoc ipso
Aurimontium tuam afflictissimam peculia-
riter recreas ac reficis? Etenim illa cum malis
suis fatalibus diu multumq; luctata, & plagâ
subinde reciprocante dejecta, ac modo non
everfa, ipsa sui immemor velut conclamata
jacuit hætenus: at hoc ipso demum die ocu-
los primum attollere, & de suâ salute melius
sperare incipit. Itaq; cum Celsitudini tuæ
hætenus ut Principi ac Domino suo animo
subjectissimo serviverit; nunc ut benignissi-
mum Patrem, ut salutare sydus cælo demis-
sum

sum amat, & adorat: atq; ad pedes tuos devoluta, per me tibi animo humilimo gratias agit, quod pio studio vetustissimū hoc gymnasium, cum secum ex cineribus excitaris, nunc ad pristinum splendorem reductum, & hoc se ornamento eximio & ad plurimorum felicitatem adjumento erectum velis.

Quàm diu, inquit, in ruderibus suis jacuit Schola, ipsa quoq; miserè prostrata inexplacabili morbo conflictata sum, nec spes ulla mei erigendi fuit reliqua: nunc verò cum liberalitate illustrissimi Patris patriæ fundamenta tanti operis præclare jacta videam, à diuturno languore aliquo modo resecta, melius in posterum de me, & incolumitate meâ non abs re sperare animum induco. Hoc igitur, inquit illa, tanto beneficio à Celsitudine tuâ affecta, pro salute & incolumitate tuâ, atq; ut hoc tam insigne ac ducali splendore dignum opus felicem ac prosperum successum cælitus sortiatur, devoto animo Deo nostro supplicare nunquam intermittam. Hæc si verbis ad te, Princeps illustrissime, omnes non audent, tacita tamen vota sunt singulorum: & hæc omnium nomine me agere volunt,

volunt, qui me communi Patriæ autoritate
 ducali quasi postliminio redditum gaudent.
 Quis igitur erit, quide hoc tam præclaro o-
 pere non optimè ominetur? cum videat glo-
 riosum id esse ipsi Principi, multis modis uti-
 le universis, commodum Ecclesiæ, salutare
 reipub. omni ex parte Dei gloriæ destinatum.
 Perge, ut cæpisti, præstantissime heros, & pio
 ac patrio animo complecti non desine hanc
 surgentis juventutis nutriculam, hoc cælestis
 paradyssi, hoc Ecclesiæ, hoc reipub. semina-
 rium: à solitudine ad pristinum splendorem,
 ad copiosissimam frequentiam, quâ licet, eve-
 he & extolle: neq; hic liberalitas tua principe
 digna defatigetur, aut sistatur? cum *nullum*
fit, verbis Plinii secundi, *magno principe, im-*
mortalitatemq; merituro impendii genus digni-
us, quàm quod erogatur in posteros: nec quæ
in rem bonam ac salutarem impensæ fiunt,
percunt, & divina benedictio pios, & humano
generi profuturos conatus nunquam destitu-
it. Ergo cum ipsum opus, Celsissime Princeps
 quod nunc agitur, spectas, de prospero suc-
 cessu rectè sperare debes: cum verò quos huic
 operi perficiendo præfecisti, consideras, ecquid
 P dubitabis?

Panegyrico
 ad Traja-
 num.

dubitabis? profecto nullo modo. Ut enim de
ingeniis, de eruditione, de industriâ nostrâ ni-
hil intempestivè glorier, hoc unicum dico,
eos conduxisti homines, qui harum opera-
rum, quibus se addixerunt, non sunt imperi-
ti: quiq; in laboribus subeundis sedulitatem,
in tolerandis constantiam, in perficiendis in-
dustriam suam multis documentis approba-
runt. Quæ igitur didicerunt, ut possint, quæ
exercuerunt, ut rectè possint, in quibus im-
morati sunt, ut constanter possint, hæc omnia
ad instaurandam ducalem Aurimontanam
animis promptis, sedulis, industriis conferent,
& impendent. Ipse certè, quidquid ingenio
possum, labore, contentione, vigilantia, in-
dustriâ, fide, id ipsum ad hæc operas Celstu-
dini tuæ prolixè promitto, ac sanctè præsta-
bo: hoc ut faciam, pietas exigit, quam Deo
debeo; postulat fides, qua obligatus sum opti-
mo Principi; Patria verò, amorq;, quo me
sibi devinxit, à me extorquet. Neq; ullus du-
bito, quin ducali favore, defensione, ac pa-
trocinio, ut totam Scholam, sic me quoq;, qui
evocanti parui, benignè sis complexurus: atq;
ut facias, humili animi subjectione obsecro
atq;

atq; obtestor. Spem tuam, illustrissime Prin-
ceps, confirmavi nunc etiam ex peritiâ rei ge-
rendæ eorum, quos ad hoc opus delegisti, &
ex eorundem sedulitate, ac laborum toleran-
tiâ: verum non est, quod quisquam putet,
ita nos niti industriâ nostrâ, ut non succur-
rat, quod D. Marcus Imp. scripsit, rectam
institutionem divino auxilio, bonâq; fortuna
indigere: & quod sapientissimus rex prodi-
dit, non esse levium cursum, neq; robustorum
prælium, neq; peritorum gratiam. Itaq;
huic nostræ industriæ dirigendæ gubernato-
rem advocamus Deum optimum maximum,
cujus benignitas navi huic felicem dabit cur-
sum, ut rectam teneat, & in optatum portum
impellatur. Et quoniam pietatis cura sum-
ma debet esse in educatione juventutis, ita
nos fidei nostræ concreditos ad veram pieta-
tem edocebimus, ut non ipsi nostro exemplo
omnem in illis pietatem exstinguamus. Ete-
nim *ut in corporibus.* (verba sunt Plinii) *sic*
in imperio gravissimus est morbus, qui à capite
diffunditur: sed ita integritate & innocentia
fidei nostræ documenta edemus, ut nostros
nostro exemplo ad ejusdem pietatis partici-

Lib. 2.

Eccles. 9.

9. 15.

Lib. 2.

Epist. 22.

Lib. 8.
κυερω.

pationem præclaré invitemus. *Exemplo enim discere αὐτῇ ἀρίστῃ διδασκαλίᾳ, ut meus loquitur Xenophon, optima est discendi & docendi ratio: at vero contra ψυχρὸν, inquit Isidorus Pelusiota, καὶ γελοῖον, καὶ ἀχαρὲς ἄλλως περιεῖδαι ἰατρὰς ἐαυτὸν δὲ περιεῖν ἀδενδύειν.* *frigidum & ridiculum, & expers gratia est, alius mederi velle, seipsum agrum negligere.* Hoc igitur si evitaverimus, labores nostri Deo probabuntur, & ipse suavissimam auram navi nostræ aspirabit, ut optatum cursum teneat, nec adversis procel-
lis opprimatur, aut violenter reprimatur.
Hoc ut fiat,

Te æterne Pater per Christum filium tu-
um Mediatorem ac Dominum nostrum in-
voco, & animo humili veneror, ut hunc lo-
cum, quem delegisti, qui veritatis tuæ propa-
gandæ seminarium esset, nunc diu desolatum
ac desertum, benignè respicias, & porro etiam
officinam veræ pietatis esse velis. Perpurga,
innova, & sanctifica per Spiritum Sanctum
tuum omnia, ut tibi grata, multis salutaria
hic doceantur, discantur ac fiant. Serva no-
bis in multam ætatem salutare sydus, quod
dedisti, pium Principem, serva animum,
quem

quem inspirasti, ut suâ munificentia hæc alvearia nostra animo verè paterno complectatur, foveat, extollat: ut in cursu institutæ rei, quæ cælo accepta, terris salutaris ac necessaria est, gnaviter pergat, nec unquam defatigetur. Concede nobis, qui juventuti præsumus prosperum in docendo & regendo successum, largire animum & cupiditatem, ut velimus; suffice vires & industriam, ut possimus. Averte dissidia, quæ turbant, prohibe pestem & contagiosos morbos, qui dissipant, profliga oïes, qui impediunt, perde hostes, & feros suos, qui evertunt hortulum hunc cælestium plantarum. Da ut in concordia & tranquillitate hunc ipsum hortulum feliciter conseramus plurimis ac frugiferis plantulis, à quibus tuū nomen in his terris agnoscatur, colatur, celebretur, & in securâ vitâ æternis laudibus prædicetur, efferatur, decantetur. Amen.

D I X I



I



istolo

Ani

tate

mus

facil

& C

Cqu

mon

cipa

dem

confi

send

Ach



Illustriss. AURIMONTANÆ
RECTOR ET COLLEGE
LECTURIS S.

ΠΟΛΕΩΣ ΨΥΧῶΝ ἔναι τῶν νόμων * *Dixit Attica*
eloquentia Princeps. Ὡς περὶ γὰρ τὸ σῶμα τελεθὲν
ψυχῆς ὡπλίζεται: ἔτι καὶ πόλις μὴ ὄντων νόμων, ἔχ
ἰσάλα. *Cum appositè Civitatem cum Corpore; leges cum*
Animâ comparet: nos simili merito Scholam cum Civi-
tate; Ordinem cum Legibus eodem ambulare passû dice-
mus. Enimverò ut in Corpore; sic in quavis Republ.
facile membra in cadaver aut funus abeunt: si à Legibus
ἔ. Ordine destituantur. Quod ne nostra etiam Reipubl.
(quantulamcunq. eam post immanes antiqui illius Auri-
monti ruinas superstare DEUS vult) eveniret: Prin-
cipali jussu ἔ. auctoritate universum corpusculum tan-
dem in ordinem redigendum; Leges ἔ. Oeconomia ejus
constituenda; ἔ. operarum Scholasticarum diata recen-
senda fuit. Sic suos Veteranos pugnaturientes olim
Achaici:

Ἡγεμόνες διέκτισμεον ἐνθά καὶ ἐνθά. *

*Sic nos, quod bene vertat, hac διακοσμήσει **
Tyrones siue Cives nostros primùm instruimus.

* *Civitatis*
animam
esse Leges.
Ue enim
corpus ani-
ma privum
corrui: sic
civitas de-
stituta Le-
gibus non
consistit:

Demost.
apud Stob.
λόγῳ μακ.

* *Duces or-*
dinabant
hic atq. il-
lic. Hom.
Iliad. β.

* *Ordina-*
tione

IN SUM-

IN SUMMA CLASSE habebuntur

HORA	mediâ VII	VII.	IIIX.	XII	I.	II.
☾					Slerdani IV. monarch.	Xenophon.
♂	Hymnus	Grammati- ca Latina.	Gramma- tica Græc.	M	Ovidi Me- tamorph.	Epigramm. Græca.
♀	lectio bibli- ca &	Exercitium stili sol.		U	Extra ord.	Exercitia.
♂	preces matu- tinæ.	Dialectica	Rhetorica	S	Exercitium Dialecticū.	Oratio. Cic.
♀		Orat. Cic.	Ovid. Met.	I	Institut. Juris.	Examen Phil Melanch.
h		Evāgelium	Pœtica Exercitia.	C	Extraord. exercitia.	
				A		

IN MEDIA CLASSE habebuntur.

HORA	mediâ VII	VII	IIIX	XII	I	II
☾		Etymolog. Præcepta	Epistolæ Ciceron.		Repetitio lecti	Exercitium stili è
♂	Hymnus			M		
♀	lectio Bi- blior. & preces ma- tutinæ.	Lectio Græca.	Exercit. stili.	U		
♂		Syntaxeos Præcepta.	Disticha. Cat. vel loci com. Murmeli.	S	onis ante- meridianæ	Lectio ante- merid.
♀				I		
h		Cateches. Luth.	Evangel. Græc.	C		
				A		

RATIO ORDINIS IN PRIMA CLASSE.

Cum duobus Doctrina omnis absolvatur: Regulis & Exemplis: operam dedimus: ut dieb. & ejus artibus, quæ horis antemerid. auditur, à meridie Exempla in Auctoribus utriusq. lingvæ subderentur. Die quidem & Historici: inter quos Sleidani Monarchiæ: ut unâ fidelitâ duo parietes dealbentur: id est, ut & historico stili generi maturè advescant Auditores: & ejus discipline principia velut cum lacte Grammatico hauriant. Adjuncta Cyropædia Xenophontea: cum quod moralis, tum quod Principis Monarchiæ quadam delibet; alterius incunabula ponat. Die & ut vorsa prorsus succedant, Poëtæ utriusq. lingvæ habentur pro Exemplo. Ovidii Metamorphosis ob eam electa potissimum causam: cum quod carmen perpetuum sit; id est, Poëticarum fabellarum seriem, instar Historiæ ab ovo usq. stilo facili & delectabili deducat: tum etiam quod inde velut ex immenso Oceano multifariæ prudentiæ rivuli in omnem vitam (cujus universalis quadam idea est) exundent.

Die & Dialectica & Rhetorica Exempla sumunt; illa quidem ab Exercitio aliquo Logico; hac ab Oratione Ciceronianâ.

Die verò & horis matutinis precedentium artium Exempla repetuntur: alterum in soluta, Oratio Ciceroniana: alterum in ligata, Metamorphosis Ovidiana: cui postmodum Virgilius, Horatius & alii commodum succenturiari possunt. Pomeridianarum horarum (ut facultatum, quas vocant, prægustum aliquem capiant Juniores) prima Institutionibus Juris; altera Examini Philippéo est destinata.

Q

IN

IN SECUNDA CLASSE.

NE onerarentur Juniores, hac ratione cautum est. Diebus $\text{C} \& \text{D}$ $\&$ praecepta Etymologica; Diebus $\text{F} \& \text{G}$ $\&$ Syntactica primis horis inculcantur. Sequentibus dierum horis Exempla praeceptorum, in solutâ unum; alterum in ligatâ (ubi obiter praecepta Prosodica traduntur $\&$ exercentur) subjiciuntur: ac inde stili Exercitium desumitur. Græca autem singulari sanè ratione instillantur.


IN INFIMA CLASSE habebuntur:

ANte Septimam Hymnus, Preces, Psalmus recitatus. Dieb. $\text{C} \& \text{D}$ $\&$ $\&$ hor. VII. VIII. antemerid. I. II. pomerid. Collectio literarum: Lectio, Donatus cum unâ $\&$ alterâ vocali memoriter servatâ. Horâ XII. literarû pingendarum exercitiû. Die $\&$ horis matut. Catechetica. Die Sabbati Evangelium $\&$ Rosarium.

EXERCITIORUM PER CLASSES

HABERI CONSVETORUM, UNIVERSIM.

HÆCESTO CŮVŮS.



Illud verò ὡς περὶ δὲ * indigitamus: si Republ. hæc * obiter
literaria uberius frequentari cœperit: non tantum Exo-
ticarum linguarum hortos; & penitioris Philosophiæ ady-
ta aperiemus: sed insuper ὡς ἔχεται * quoddam & simu- * prælu-
lacrum Politia adornabimus, ad exemplar veteris Roma- dium
næ commodissimè institutum: in quo tam Civium ordines,
Senatorius, Equestris, Plebejus definiantur; quàm fun-
ctiones etiam singulorum, more & formulâ veterum,
administrentur.

Quod si Exercitiis propitium deo παρέσθαι * Numen
adfulserit: nihil ad εὐχνοσύνην * Politicæ consumman-
dam defuturum speramus.

* è ma-
chinâ
* deco-
rem
Plur.
Themist.

GRæci, cum innumerabiles infani Persæ copias, quibus
ceu diluvione obruebantur, partim masculâ virtute
fugassent, partim concidissent, etiam castris Hostium po-
titi; eum diem veluti libertatis suæ natalem venerati; &
de victimis, votisq; solvendis solliciti; ne festum Persico,
id est, barbaro, profano & impio igne contaminarent;
omnes focos exstinxerunt: novumq; intaminatum & sa-
crum ignem Delphis in castra apportari curarunt.

Excitemur infidelium solitudine nos fideles. Post-
quam hic locus, fatis Musis debitus, non quidem hostili
injuriam; sed inundatione inaudita, incendio horribili,
peste pestilentissimâ desolatus, nunc demum Numinis nu-
tu; favore & munificentia Serenissimi Principis nostri
reconvalescens, de tot damnis, de interitu ipso triumphat:
exstincto & funditus deleta Barbariei & Vitiatorum igni;
novam calitus hauriamus flammam, ex igniario Sancti
Spiritus: qui igneo simulacro, Linguarum & Sapientiæ
Dona Apostolis communicavit: qui adhuc calore suo di-
vino, artium semina fovet, & in messem uberrimam con-

* Vernæ,
pratē-
ses, flo-
rentes
undiq;
Puræ.
Orph.
Hymn.

servat. Quo animo si tam Docentes, quàm Discentes
fuerint: non modò initia Scholæ, cum Christo Servato-
re, & ipsi rerum Naturæ resurgenti, seseq; Phœnicis in-
star, à busto innovantis, bene habebunt: sed incrementa
etiā, & successus indies prosperiores experiemur.

Quod Jehova opt. max. ratum faxit: vivant, vi-
vant Chysoreades Camēna.

Εὐαγγέλιον, λευκονιάδες, πολυάνθεμοι, ἀγνά. * Bene
valete. PP. Festo Dominica Resurrect.

A. Ep. Chr. cō d cxx.



Quod felix faustumq; sit:
è Serenissimi Principis nomine
fit omen.

GEORGIUS RUDOLPHUS
DUX SILESIE
LIGNICENSIS ET BREGENSIS.
ἀναρχαμ.

Tui, Schola Goldbergensis, Genii spes
vernili, Dux. Ei surges.

P Estis, & infaustis afflicta annona sub astris,
'Diluvio auriferi prodigiosa vadi,

Deniq;

Deniq, quæ cunctis æquanda est horrida pœnis,
 Flamma Urbem, & celebrem est depopulata
 Sibolam.

Non pateris, Princeps, cineræ æli rudera Ludi,
 Auctoris famam dissimulare sui.

Deformata, Solo, fuit olim Smyrna, movente:
 Caesaris at potuit restituisse favor.

Si Mausoleum potuere extendere nomen
 Uxoris fidâ marmora structa manu:

Sig, op, haud passum est, Phariorum nomina Regum
 Lethæo perdi pyramidale lacu:

Ardua Majorum cur hæc monimenta tuorum,
 Obruta deformi sic paterere rogo?

Fama refert si vera; Pelops sic coctus in ollâ,
 Vividiora, Jovis munere, membra capit.

Peneæ Neptunus grandi violavit hiatu:

Augmento ut fierent Tempea clara novo.

Quis dubitet variis quoq, Chrysorin esse ruinis
 Defunctam, ut surgat cultior & melior?

Surge bonis avib, Schola Goldbergensis: adest Ver,
 Dux cum Vere, Gen Ispesq, decusq, tui.

Semper ei surges. Fuit unicus, ecce, novare
 Qui lapsas fato res meliore queat.

L. M. Q. F.

MELIDEUS.

PRO
Felici instauratione
ILLUSTRIS GYMNASII
AURIMONTANI
Carmen votivum.

UT patris, in dulces cui nuper luminis auras
Casta tori consors Lucina experta favorem
Ediderat carum generis solatia natum,
Inter sollicitas est cura potissima curas;
Qui rectè in primâ mox advetudine vite
Educat hunc, dociliq; subinde instillet ephebo
Musarum latices, & pulchri semina Veri:
Ne si non vana accedat cultura regentis,
Torpida vel somno, vel turpi exercita luxu
Concidat adsurgens pubente in pectore virtus,
Immanemq; notam venientibus adferat annis;
Sed contrâ ut studiis operata salubribus illum
Exaquet probitate bonis, cultâ indole doctis.
Sic Princeps, terra cui jus, animumq; regenda
Indulset favor athereus, præcordia circum
Ejus si stimulet pietas adstricta fideli
Principis Æterni obsequio, si conscia mentem
Thyrso agitat Themis, & sancta reverentia fama,
Præcipuas, Auguste, tuis virtutibus amplis
Æmulus

*Æmulus impendit curas, & præmia Musis.
 Quippe boni patris à Genio non dispare Princeps
 Est Genio, (velut ad Persen vox seita Chrysanta est,)
 Et qualem veteres patriæ dixere parentem.*

*Tu quoq; Tu talis, LICIA Dux inclute Gentis,
 SILESIAE decus immortale, GEORGE-RUDOLPHE,
 Herois sanguis de heroô sanguine Regum,
 Qui, quam Progenitor Tuus ille, piissimus ille
 Dux quondam JOACHIM-FRIDERICUS, in æthere celso
 Nunc jubat æternum, felici Numinis aurâ
 Sacrauit Musis, & amatis artibus ædem
 CHRYSOREAS inter valles, moliris eandem
 Instaurare novo, & quantum expedit, ubere censu,
 Palladii illustrem fabricam; quo stante beatis
 Troja stetit Phrygibus, quo stante SILESIA floret.*

*Maçte animo hoc, PRINCEPS, maçte hac inde-
 sidi curâ!*

*Propria quæ vestro Generi est, quæ Regia cura est,
 Quam non excutiant Tibi mille negotia curam.
 Auguror, & pariter, si quid veri auguror, opto;
 Hoc opus, hoc studium, hac augustæ impendia cura
 Effusura ut Amalthæa de divite cornu
 In patriæ gremium omnigenæ preciosa salutis,
 Et quovis ævo vernantum germina laudum.*

Epi-

Epigramma.

DE

GOLDBERGA.

Quondam Auri, nunc Musarum GOLDBERGA
Aurea sis, auro quæ meliora paris: (repertrix,
Aurea sis, caeleste coquis quæ pectoris aurum,
Aurea sis, mores quæ colis aureolos:
Aurea sis, quæ rursùm aperis templa aurea Musis,
Aurea sis, aurum denuò quæ fodias:
Aurea sis, bene quam fortuna rivos in auret,
Aurea sis, cui cali aurea castra favent:
Aurea, cui LICII Ducis aurea Gratia præstò est;
Aurea sacra Ducis Gratia sola facit.

SWIDNICI

L. M. Q. F.

MELCHIOR AGRICOLA SIL.
PHILOLOGUS & P. L.



CA
X,

S,

L.

